



NCCA

An Chomhairle Náisiúnta
Curáil agus Measúnachta
National Council for
Curriculum and Assessment

Dréachtsonraíochtaí Ghnó na hArdteistiméireachta

I gcomhair comhairliúcháin

Feabhra 2024

Clár Ábhar

An tSraith Shinsearach.....	1
Réasúnaíocht.....	2
Aidhmeanna	3
Leanúnachas agus dul chun cinn.....	4
Príomhinniúlachtaí	5
Ag smaoineamh agus ag réiteach fadhbanna; a Bheith cruthaitheach, An fhoghlaim a bhainistiú agus an féinbhainistiú.....	7
Cumarsáid a dhéanamh agus Obair le daoine eile	7
Rannpháirtíocht sa tsochaí agus Folláine a chothú.....	8
Lítearthacht agus Uimhearthacht.....	8
Teagasc agus foghlaim	9
Snáitheanna staidéir agus torthaí foghlama.....	10
Snáithe Aontach: Gnó a Iniúchadh.....	13
Torthaí Foghlama an tsnáithe aontaigh.....	14
Snáithe 1: Iniúchadh a dhéanamh ar an Timpeallacht Ghnó	16
Snáithe 1 Torthaí foghlama.....	17
Snáithe 2: Fiontraíocht a thuiscint.....	21
Snáithe 2 Torthaí foghlama.....	22
Snáithe 3: A bheith i gceannas i ngnó.....	26
Snáithe 3 Torthaí foghlama.....	27
Snáithe 4: Cinntí Eolasacha a Dhéanamh.....	30
Snáithe 4 Torthaí foghlama.....	31
Measúnú	35
Measúnú don teistiúchán	35
Comhpháirt mheasúnaithe bhreise: Staidéar Imscrúdaitheach, Gnó Beo	36
Tuairisceoirí cáilíochta don Staidéar Imscrúdaitheach, Gnó Beo	37
Scrúdú scríofa	40

Oiriúntais réasúnta	40
Grádú na hArdteistiméireachta	40
Aguisín 1: Gluais de bhriathra gnímh	42
Aguisín 2: Gluais Téarmaí	44

An tSraith Shinsearach

Tá sé mar aidhm ag an tsraith shinsearach leanúint le hoideachas iomlánaíoch a chur ar an duine agus cur le rath an duine. Cuireann eispéiris an scoláire le linn na sraithe sinsearaí lena fhorbairt intleachtach, shóisialta agus phearsanta mar aon lena sláinte agus a fholláine ar bhonn ginearálta. Baineann 8 dtreoirphrionsabal leis an tsraith shinsearach.

Treoirphrionsabail na Sraithe Sinsearaí	
Folláine agus caidreamh	Rogha agus solúbthacht
Oideachas ionchuimsitheach agus éagsúlacht	Leanúnachas agus aistrithe
Dúshlán, rannpháirtíocht agus cruthaitheacht	Rannpháirtíocht agus saoránacht
Foghlaim le foghlaim, foghlaim don saol	Timpeallachtaí foghlama agus comhpháirtíochtaí

Is slat tomhais iad na prionsabail seo do scoileanna agus do shuíomhanna oideachais eile agus a sraith shinsearach á dearadh acu. Cuimsítear leis an tsraith shinsearach, Idirbhliain roghnach agus cúrsa dhá bhliain ina diaidh, a bhfuil ábhair agus modúil mar chuid de. Tarlaíonn an fhoghlaim i scoileanna, pobail, suíomhanna oideachasúla agus suíomhanna eile lena n-aithnítear neamhspleáchas méadaitheach an scoláire, ag tógáil ar an tsraith shóisearach. Bunaítear caidrimh le múinteoirí ar bhonn níos aibí agus glacann an scoláire níos mó freagrachta air féin as a chuid foghlama féin.

Sa tsraith shinsearach, cuirtear curaclam ar fáil ina mbíonn dúshlán don scoláire an leibhéal is airde de ghnóthachtáil oideachasúil a bheith mar sprioc aige, i gcomhréir lena chuid inniúlachtaí agus cumas féin. I gcaitheamh na sraithe sinsearaí, bíonn deiseanna ag an scoláire dul i ngleic le dúshláin shóisialta, chomhshaoil, eacnamaíocha agus teicneolaíochta, agus chun feabhas a chur ar a thuiscint ar chearta an duine, ar cheartas sóisialta, ar chothroime ar éagsúlacht agus ar inbhuanaitheacht. Tugtar tacaíocht don scoláire chun roghanna bunaithe ar eolas a dhéanamh agus conairí éagsúla tríd an tsraith shinsearach á roghnú aige agus bíonn deiseanna ag gach scoláire lúcháir agus sásamh a bhaint as clocha míle móra a bhaint amach ina chuid oideachais. Ba cheart go gcuirfeadh an sraith shinsearach bonn láidir faoin aistriú go dtí an breisoideachas, an t-oideachas aosach agus an t-ardoideachas, printíseachtaí, tréimhsí oiliúna agus fostaíocht, agus rannpháirtíocht bhríoch sa tsochaí, sa gheilleagar agus sa saol aosach.

Ba cheart go bhfreastalódh an t-eispéireas oideachasúil sa tsraith shinsearach ar gach aon scoláire, go bhfreagródh sé dá chuid láidreachtaí agus riachtanas foghlama, agus go mbeadh

meas agus urraim ann don éagsúlacht agus go ndéanfaí sin a cheiliúradh. Bíonn éagsúlachtaí ann i measc scoláirí ó thaobh cúlra teaghlaigh agus cultúir de agus i dtaca le teangacha, aois, stádas eitneach, creideamh, inscne, agus féiniúlacht ghnéis agus maidir lena gcuid láidreachtaí, riachtanas, spéiseanna, inniúlachtaí agus réamheolais, scileanna, luachanna agus meonta. Ba cheart go ndéanfaí féiniúlacht gach aon scoláire a cheiliúradh, go léireofaí meas uirthi agus go bhfreagrófaí di le linn don scoláire a bheith ag dul tríd an tsraith shinsearach.

Ar leibhéal praiticiúil, tacaítear leis an tsraith shinsearach le forbairt ghairmiúil bhreistithe; le rannpháirtíocht múinteoirí, leis an scoláire, tuismitheoirí, ceannairí scoile agus páirtithe leasmhara eile; acmhainní; taighde; cumarsáid shoiléir; comhsheasmhacht polasaí; agus le fíс chomhroinnte i dtaca lena mbítear ag iarraidh a bhaint amach dár gcuid daoine óga tríd an tsraith shinsearach, agus iad ag réiteach chun tús a chur leis an saol aosach. Cuirtear beocht inti i scoileanna agus i suíomhanna eile oideachasúla trí:

- pleanáil, forbairt, eagrú, machnamh agus measúnú éifeachtach curaclaim
- cuir chuige teagaisc agus foghlama a spreagann an scoláire agus a ligeann dó feabhsú
- cultúr scoile ina léirítear meas ar an scoláire agus ina gcuirtear grá don fhoghlaim chun cinn.

Réasúnaíocht

Forbraítear feasacht an scoláire i nGnó na hArdteistiméireachta ar an tábhacht le gnó do gheilleagar na hÉireann agus don gheilleagar idirnáisiúnta agus cuidíonn an fheasacht seo chun tuiscint a fhorbairt ar an gcaoi a n-oibríonn saol an ghnó. Foghlaimíonn an scoláire faoin gcaoi a bhfuil gnó bainteach lena shaol féin, foghlaimíonn sé chun litearthacht airgeadais agus ghnó a fhorbairt sa saol ina thimpeall agus faoin gcaoi a mbíonn gnó á mhúnlú ag na daoine a oibríonn, a bhíonn i gceannas, agus a bhainistíonn laistigh de thimpeallacht an ghnó.

Tá saol an ghnó ilghnéitheach, dinimiciúil, agus tá sé ag forbairt, agus le linn don scoláire a bheith ag déanamh staidéar ar Ghnó na hArdteistiméireachta, foghlaimíonn sé cén chaoi a gcaithfidh custaiméirí, tionscnaíocht agus rialtais dul in oiriúint do réimse deiseanna agus dúshlán amhail digitiú, inbhuanaitheacht, domhandú, agus ceisteanna eiticiúla agus eacnamaíochta. Agus páirt á glacadh ag an scoláire i nGnó na hArdteistiméireachta, faigheann sé amach cén tionchar atá ag na saincheisteanna seo ar an timpeallacht ghnó agus is féidir leis measúnú a dhéanamh orthu. Agus iniúchadh á dhéanamh ag an scoláire ar shaol an ghnó óna dhearcadh féin mar thomhaltóirí agus ó dhearcadh na ngnólachtaí iad féin, gheobhaidh an scoláire tuiscint níos fearr ar an gcaoi a n-imríonn gnólacht tionchar ar chomhthéacsanna

náisiúnta agus idirnáisiúnta ina n-oibríonn sé agus ar an gcaoi a gcuireann sé leis an tsochaí agus leis an ngeilleagar.

Agus an scoláire ag déanamh staidéar ar Ghnó na hArdteistiméireachta, cothaítear smaointeoireacht fhiontraíoch, agus bíonn sé de dheis ag an scoláire réimse leathan inniúlachtaí a fhorbairt a chuirfidh feabhas ar chumas an scoláire chun cumarsáid a dhéanamh, chun tabhairt faoi thaighde agus faoi fhadhbanna a réiteach, agus chun oibriú mar chuid d'fhoireann, rudaí atá bunúsach sa saol seo atá ag éirí níos casta, saol bhfuil níos mó rudaí á ndéanamh go digiteach agus atá níos idircheangailte. Tacaíonn sé seo leis an scoláire ionas go mbeidh sé freagrach, eolach, agus feasach go heiticiúil agus tacaíonn sé lena fhorbairt mar shaoránach muiníneach, inniúil agus nuálach.

Tacaíonn staidéar a dhéanamh ar Ghnó na hArdteistiméireachta leis an scoláire an t-eolas, na scileanna, na luachanna, agus na meonta a fhorbairt a theastaíonn uaidh chun páirt ghníomhach agus mhuiníneach a ghlacadh i saol an ghnó, mar thomhaltóirí agus laistigh de shaol na hoibre araon, le linn dó a litearthacht airgeadais agus ghnó féin a fhorbairt agus an cumas á fháil aige chun cinntí eolacha agus réasúnacha gnó a dhéanamh. Tríd an bhfoghlaim seo, forbraíonn sé tuiscint níos fearr ar thionchar sóisialta agus timpeallachta na gcleachtas gnó agus forbraíonn siad meon dearfach, eiticiúil maidir le fiontraíocht agus maidir le gach gné de ghnó.

Aidhmeanna

Is é an scoláire a dhéanann staidéar ar Ghnó na hArdteistiméireachta a fhorbraíonn tuiscint ar an tábhacht le gnó ina shaol laethúil agus ar an saol ina thimpeall agus faigheann sé tuiscint dhomhain ar na deiseanna agus ar na dúshláin a bhaineann le timpeallacht gnó a bhíonn ag forbairt i gcaitheamh an ama. Is trí staidéar a dhéanamh ar Ghnó, a fhorbraíonn an scoláire réimse leathan inniúlachtaí agus foghlaimíonn sé cén chaoi lena fhoghlaim a úsáid i réimse eispéireas fíorshaoil.

Is iad seo a leanas aidhmeanna Ghnó na hArdteistiméireachta:

- chun tuiscint a fháil ar an ról atá ag gnó sa saol laethúil, go háitiúil, go náisiúnta agus go hidirnáisiúnta agus chun tuiscint a fháil ar na deiseanna a chuireann gnó ar fáil.
- chun tuiscint a fháil ar chéimeanna agus ar fhorbairt na tionscnaíochta agus ar na hidirghabhálacha agus na naisc idir roinnt páirtithe leasmhara i saol an ghnó, agus a bheith in ann an t-eolas agus an tuiscint seo a chur i bhfeidhm.

- chun tuiscint a fháil ar na deiseanna agus na dúshláin a bhaineann leis an teicneolaíocht dhigiteach agus chun tuiscint fheasach agus chriticiúil a fhorbairt ar chleachtas gnó eiticiúil inbhuanaithe.
- le bheith liteartha agus comhfhiosach ó thaobh airgeadais de agus a bheith ar an eolas faoin tábhacht lena fholláine airgeadais.
- chun meon fiontraíoch a fhorbairt agus le bheith ina chinnteoir muiníneach feasach.
- chun inniúlachtaí a fhorbairt a bhaineann le saol dinimiciúil an ghnó, lena shaol féin, lena shlí bheatha, le staidéar breise, le ról mar fhostóirí agus mar fhostaithe, mar fhiontraithe agus mar cheannairí gnó na toadhcháí.

Leanúnachas agus dul chun cinn

Cuireann Gnó na hArdteistiméireachta leis an eolas, scileanna, luachanna agus meonta a eascraíonn ó oideachas an fhoghlaiméora ón gcóras luathóige go dtí curaclam na sraithe sóisearaí agus cuireann sé leanúnachas agus dul chun cinn ar fáil in oideachas gnó.

An tsraith shóisearach

Is é aidhm shonraíocht Staidéar Gnó na Sraithe Sóisearaí spéis an scoláire a mhúscailt sa timpeallacht ghnó agus sa chaoi a mbíonn sé ag plé léi. Forbraíonn sé scileanna, eolas, meonta agus iompraíocht a chuireann ar a chumas cinntí eolacha freagracha a dhéanamh leis na hacmhainní uile atá ar fáil dó, ag cinntiú a leasa féin agus leas na sochaí, agus ag an am céanna beidh sé ag éirí níos féinfheasaí mar fhoghlaiméoir. I Staidéar Gnó na Sraithe Sóisearaí, foghlaimíonn an scoláire cén chaoi chun tuiscint ar thionchar an ghnó ina shaol agus chun forbairt a dhéanamh ar bhunscileanna, tuiscint agus luachanna le bheith rannpháirteach sa timpeallacht ghnó agus sa gheilleagar, agus don fhoghlaim, obair agus saol amach anseo, lena n-áirítear scileanna anailíseacha, smaointeoireacht chriticiúil, réiteach fadhbanna, oibre foirne agus cumarsáid. Forbraíonn an scoláire eolas agus tuiscint ghnó i roinnt ábhair eile sa tsraith shóisearach amhail matamaitic ina réitíonn sé fadhbanna a bhaineann le hairgead agus eacnamaíocht bhaile ina bhfoghlaimíonn sé faoina bheith ina thomhaltóir eolach agus ina bhforbraíonn sé scileanna litearthachta airgeadais.


I ndiaidh na sraithe sinsearaí

D'fhéadfadh go leor slite beatha iontacha agus tairbheacha eascairt as staidéar a dhéanamh ar an ngnó agus cruthaíonn sé bunús fíormhaith don scoláire ag bogadh isteach i saol na hoibre, i mbreisoideachas agus breisoiliúint, ardoideachas agus fiontraíocht. Cuireann Gnó na

hArdteistiméireachta buneolas ar fáil don scoláire le haghaidh réimse leathan slite beatha sa ghnó, sa mhargaíocht, sa dlí, sa fhiontraíocht agus sa bhainistíocht.

Príomhinniúlachtaí


Is scáth-théarma é *Príomhinniúlachtaí*¹ ina ndéantar tagairt don eolas, na scileanna, na luachanna agus na meonta a fhorbraíonn an scoláire ar bhealach imeasctha le linn na sraithe sinsearaí.



Fíor 1 Comhpháirteanna na bpríomhinniúlachtaí agus an tionchar a mianaítear leo

Tá na hinniúlachtaí seo idirnasctha agus cumascann siad lena chéile; is féidir leo foghlaim iomlán an scoláire a fheabhsú; in ann cabhrú leis an scoláire agus leis an múinteoir naisc bhríocha a dhéanamh idir agus thar réimsí foghlama difriúla; agus tá tábhacht ag baint leo ar fud an churaclaim.

¹ Is é a thugtar orthu seo freisin ó am go chéile ná acmhainneachtaí nó cumais.



Fíor 2 Príomhinniúlachtaí sa tSraith Shinsearach, lena dtacaíonn lítearthachtaí agus uimhearthacht.

Cuireann forbairt lítearthachta agus uimhearthacht an scoláire le forbairt na n-inniúlachtaí agus an bealach eile thart. Tacaítear leis na príomhinniúlachtaí nuair a bhíonn lítearthacht agus uimhearthacht an scoláire forbartha go maith agus nuair is féidir leis dea-úsáid a bhaint as uirlisí éagsúla, lena n-áirítear teicneolaíochtaí, chun tacú lena chuid foghlama.

Cuirtear beocht sna príomhinniúlachtaí trí na heispéiris foghlama agus na hoideolaíochtaí a roghnaíonn an múinteoir agus trí fhreagairtí an scoláire orthu seo. Is féidir agus ba cheart go gcabhrófaí leis an scoláire a chuid príomhinniúlachtaí a fhorbairt, beag beann ar a chúlra, ar a chuid cúinsí ná ar a chuid eispéireas, faoi láthair nó roimhe seo, agus ba cheart go mbeadh neart deiseanna aige a phríomhinniúlachtaí a léiriú. Tá tuilleadh sonraí maidir leis na

príomhinniúlachtaí ar fáil ag <https://ncca.ie/ga/an-tsraith-shinsearach/athfhorbairt-na-sraithe-sinsearai/príomhinniulachtai-an-scolaire/> . Is féidir na príomhinniúlachtaí seo a fhorbairt i nGnó na hArdteistiméireachta ar réimse bealaí.

Ag smaoineamh agus ag réiteach fadhbanna; a Bheith cruthaitheach, An fhoghlaim a bhainistiú agus an féinbhainistiú

Is bunchlocha den rath iad smaointeoireacht nuálach agus réiteach fadhbanna laistigh de shaol dinimiciúil an ghnó. I nGnó na hArdteistiméireachta, forbraíonn an scoláire scileanna smaointeoireachta criticiúla agus réitigh fadhbanna chun feabhas a chur ar a thuiscint ar fhíorshaol an ghnó, agus chun a fhoghlaim a chur i bhfeidhm ann. Bíonn an scoláire ag plé go rialta le gnó sna meáin agus, bailíonn sé eolas ó réimse foinsí agus déanann sé measúnú agus anailísiú ar an eolas céanna. Tugtar spreagadh dó an méid sin a dhéanamh ach intinn oscailte a bheith aige, bunaithe ar an mian chun tuiscint níos fearr a fhorbairt ar an gcaoi a n-oibríonn cúrsaí gnó agus ar an gcaoi a bhfuil siad bainteach lena shaol laethúil, lena phobal, go náisiúnta agus go hidirnáisiúnta.

Agus an scoláire ag plé le torthaí foghlama shonraíocht Ghnó na hArdteistiméireachta, bíonn deis aige iniúchadh a dhéanamh ar réimsí gnó atá bainteach lena shaol laethúil agus lena chomhthéacs áitiúil. Forbraítear cruthaitheacht an scoláire agus a chumas nuálaíochta trína rannpháirtíocht leis na torthaí foghlama agus leis na deiseanna a bhaineann lena fhoghlaim. Chomh maith leis sin, forbraíonn an scoláire tuiscint ar an tábhacht le nuálaíocht agus cruthaitheacht i saol an ghnó agus sa tsochaí níos ginearálta, le bheith níos muiníní chun rioscaí feasacha a thógáil, chun deacrachtaí a shárú, agus athruithe a bhainistiú, rudaí ar fad a spreagann an scoláire le bheith níos cruthaithí.

Tugtar spreagadh don scoláire agus tacaítear leis chun scileanna féinbhainistíochta agus féinrialúcháin a fhorbairt trína rannpháirtíocht leis an tsonraíocht seo. Déanann sé iniúchadh ar an tábhacht le plean tionscadail a phleanáil agus a fhorbairt, ina bhfuil spriocanna áirithe, agus leagtar béim chomh maith ar an tábhacht le monatóireacht agus oiriúnú leanúnach nuair is cuí. Tugtar spreagadh don scoláire foghlaim óna chuid eispéireas agus chun an fhoghlaim seo a chur i bhfeidhm i gcásanna nua agus i gcásanna nach bhfuil taithí aige orthu.

Cumarsáid a dhéanamh agus Obair le daoine eile

Beidh deiseanna ag an scoláire eolas a chur in iúl, eolas a fuair sé óna thaighde le linn dó tuairimí a chur in iúl mar chuid de dhíospóireachtaí. Úsáidfidh sé téarmaíocht agus teanga chúí ghnó atá oiriúnach do lucht spéise ar leith agus do chomhthéacsanna ar leith. Forbróidh an scoláire tuiscint ar an tábhacht le cumarsáid sa ghnó agus san áit oibre. Agus an scoláire

rannpháirteach le foinsí eolais agus sonraí éagsúla, foghlaimeoidh sé faoin tábhacht le scrúdú a dhéanamh ar fhoinsí eolais agus iad a aithint le linn dó a bheith ag foghlaim faoin tábhacht le machnamh a dhéanamh ar roinnt dearcthaí.

Cuirtear an t-uafás deiseanna ar fáil i nGnó na hArdteistiméireachta don scoláire le teacht le chéile agus oibriú as lámha a chéile. Trína eispéiris sa seomra ranga, foghlaimeoidh an scoláire cén chaoi le hoibriú mar chuid de ghrúpa agus plé a dhéanamh ar na gnéithe ábhartha de ghnó i mbeirteanna agus i ngrúpaí. Cuireann sé seo le tuiscint ar a fháil ar na buntáistí agus na dúshláin fhéideartha a bhaineann le bheith ag obair le daoine eile. Foghlaimíonn an scoláire faoin tábhacht le difríochtaí i dtuairimí agus coimhlint a réiteach le linn dó tuiscint a fhorbairt ar an gcaoi a bhféadfadh coimhlint tionchar a imirt ar thimpeallacht na háite oibre.

Rannpháirtíocht sa tsochaí agus Folláine a chothú

Agus an scoláire rannpháirteach le Gnó na hArdteistiméireachta, forbraíonn sé tuiscint ar an tábhacht le gnó sa tsochaí agus forbraíonn sé tuiscint ar an gcaoi ar athraigh an teicneolaíocht dhigiteach na cleachtais ghnó ó bhonn. Faigheann an scoláire tuiscint ar an tábhacht le cleachtais ghnó eiticiúla agus inbhuanaithe agus tugtar an chumhacht dó roghanna agus cinntí eolacha a dhéanamh mar thomhaltóirí, mar fhostaithe, mar fhiontraithe agus mar cheannairí sa ghnó araon. Ní hamháin gur féidir na hinniúlachtaí seo a chur i bhfeidhm i saol an ghnó agus is féidir iad a chur i bhfeidhm sa tsochaí níos leithe agus ina shaol laethúil.

Forbraíonn an scoláire tuiscint ar an tábhacht lena fholláine agus le folláine daoine eile a chothú san áit oibre agus chun tuiscint a fháil ar an tábhacht le héagsúlacht san áit oibre. Chomh maith leis sin, faigheann sé tuiscint ar an bhfoghlaim fhéideartha agus duine ag iarraidh aghaidh a thabhairt ar chásanna dúshlánacha agus breathnaíonn sé ar theip mar dheis foghlama. Sna cásanna ina mbíonn an scoláire comhoibríoch lena phiaraí, forbraíonn sé caidrimh dhearfacha oibre lena phiaraí, rud a chuireann feabhas ar fholláine an scoláire freisin.

Litearthacht agus Uimhearthacht

Tacaíonn litearthacht agus uimhearthacht le forbairt príomhinniúlachtaí sa seomra ranga Gnó. Tá sé seo ábhartha go háirithe nuair a bhailíonn, a eagraíonn agus a léirmhíonann an scoláire eolas agus sonraí. Tagann tuilleadh feabhais ar litearthacht ghnó, airgeadais agus dhigiteach an scoláire trí mheasúnú criticiúil a dhéanamh ar shonraí agus eolas ó fhoinsí iontaoifa. Déanann sé anailísiú agus measúnú ar eolas agus sonraí agus tagann sé ar chonclúidí eolacha agus is féidir leis cinntí airgeadais gnó agus pearsanta eolacha a dhéanamh.

Teagasc agus foghlaim

Is iad na torthaí foghlama atá leagtha amach sa tsonraíocht seo a thacaíonn le húsáid a bhaint as réimse cur chuige i leith an teagaisc agus na foghlama. Cuirtear an scoláire i lár na foghlama sa tsonraíocht seo agus leagtar béim ar an tábhacht le rannpháirtíocht i ngnó san fhíorshaol. De réir mar a théann an scoláire chun cinn ina fhoghlaim, forbróidh sé réimse príomhinniúlachtaí is féidir a úsáid i dtascanna agus in ábhair éagsúla, rud a ligfidh dó naisc a dhéanamh idir Gnó na hArdteistiméireachta, ábhair eile, agus saol dinimiciúil an ghnó agus a shaol laethúil. Trína bheith rannpháirteach i bplé agus in obair ghrúpa, forbróidh an scoláire scileanna i ndíospóireachtaí réasúnta, é ag éisteacht lena chomhscoláirí agus ag déanamh machnamh ar a chuid oibre féin agus ar obair a chomhscoláirí.

Is gnéithe tábhachtacha de theagasc agus foghlaim i nGnó na hArdteistiméireachta iad; deiseanna le haghaidh rannpháirtíocht an scoláire sa snáithe aontach, Gnó a Iníúchadh, ar fud dhá bhliain de staidéar. Agus na múinteoirí ag pleanáil, is féidir leo roinnt mhaith deiseanna a chur ar fáil don scoláire chun páirt a ghlacadh i saincheisteanna ábhartha agus an fhoghlaim atá leagtha amach sa snáithe aontach a chur i bhfeidhm ar fud na gceithre shnáithe chomhthéacsúla. Dhéanfaidh sé leas don scoláire, dá dtabharfaí aghaidh ar an bpróiseas go forbarthach le rochtain rialta acu ar na saincheisteanna céanna, i gcomhthéacsanna éagsúla thar thréimhse ama.

Chomh maith leis sin, ba cheart don scoláire páirt a ghlacadh i saol an ghnó trí mhachnamh a dhéanamh ar a thuiscint féin agus ar dhearccháil eile ar fhorbairtí gnó trí thuarascálacha nuachta agus ar nithe sna meáin. D'fhéadfaí tacú leis seo trí fhillteán á choinneáil ag an scoláire ar fud dhá bhliain de staidéar ina gcoinneoidís bailiúchán eolais ó na meáin agus ó fhoinsí cuí eile ar a ndéanfaidís machnamh agus a fhoghlaim sa seomra ranga gnó a chur san áireamh mar aon lena thaithí féin i saol an ghnó. Cé nach ndéanfar measúnú foirmeálta ar an méid seo, má fhorbraítear fillteán imscrúdaitheach, tacóidh sé sin leis an scoláire a fhoghlaim a chur i bhfeidhm i bhfíorshaol an ghnó agus chun dearccháil eolacha a fhorbairt.

Beidh sé de dheis ag an scoláire, trí na téamaí trasghearrtha, machnamh a dhéanamh ar shaol an ghnó agus ar a thrasnú le cúrsaí eitice, inbhuanaitheachta, gnó agus litearthachta gnó, rudaí ar fad a bhaineann le saol an ghnó agus a imríonn tionchar ar ár saol laethúil. Forbróidh sé tuiscint ar nádúr claochlaitheach na teicneolaíochta chomh maith le tuiscint ar an bhféidearthacht de smaointeoireacht agus nuálaíocht fhiontraíoch. Foghlaimeoidh an scoláire cén chaoi chun eolas a anailísiú agus a mheasúnú agus foghlaimeoidh sé cén chaoi chun é seo a úsáid chun cinntí eolacha a dhéanamh agus chun tacú lena dhearcadh féin. Mar gheall ar a éagsúla agus a bheidh na gníomhaíochtaí foghlama a dtabharfaidh an scoláire fúthu, cuirfear

ar a chumas dul i gceannas ar a chuid foghlama féin trí spriocanna a leagan síos, láidreachtaí agus réimsí feabhsúcháin a aithint agus aiseolas a fháil agus freagairt dó. Beidh méideanna éagsúla tacaíochta de dhíth ar an scoláire le bheith rathúil agus spriocanna a bhaint amach i nGnó na hArdteistiméireachta. Cabhraítear leis an ionchuimsitheacht a chur chun cinn trí úsáid a bhaint as roinnt cur chuige, mar shampla leibhéal na scileanna a theastaíonn a athrú, méid agus cineál idirghabháil an mhúinteora a athrú, agus luas agus ord na foghlama a athrú.

D'fhéadfadh go mbeadh ról ag úsáid na teicneolaíochta digítí sa seomra ranga chun feabhas a chur ar fhoghlaim, ar theagasc agus ar mheasúnú agus is féidir leis an teicneolaíocht a bheith cabhrach chun feabhas a chur ar dheiseanna don scoláire chun a phríomhinniúlachtaí a fhorbairt.

Agus an scoláire ag déanamh staidéar ar Ghnó na hArdteistiméireachta d'fhéadfadh go mbeadh deiseanna aige úsáid a bhaint as teicneolaíocht dhigiteach a úsáid chun:

- sonraí agus eolas a bhailiú, a anailísiú agus a chur i láthair
- scileanna feabhsaithe taighde a fhorbairt agus iad seo a chur i bhfeidhm i gcleachtas
- a bheith níos neamhspleáiche mar fhoghlaimoír, trí leas a bhaint as tacaíochtaí digiteacha cuí ar líne
- páirt a ghlacadh i ngnó san fhíorshaol.

Snáitheanna staidéir agus torthaí foghlama

Tá ceithre shnáithe chomhthéacsúla ag baint leis an tsonraíocht: Iniúchadh a dhéanamh ar an timpeallacht ghnó, Tuiscint a fháil ar fhiontraíocht, A bheith i gceannas i ngnó agus Cinntí eolacha a dhéanamh i dteannta leis an snáithe aontach, Gnó a Iniúchadh.

Aithnítear ceithre théama thrasghearrtha— Cúrsaí eitice agus inbhuanaitheacht, Smaointeoireacht fhiontraíoch, Litearthacht ghnó agus airgeadais agus Claochlú digiteach— a chuireann dearcadh ar fáil ar son na foghlama laistigh den tsonraíocht, agus is minic a bhíonn siad idirnasctha... Fítear na téamaí seo ar fud fhoghlaim an scoláire nuair is cuí, le bheith mar dhearcthaí chun iniúchadh a dhéanamh ar shaol dinimiciúil an ghnó agus tá siad leagtha amach go hachomair thíos.


Cúrsaí eitice agus inbhuanaitheacht: Is bunchloch iad machnaimh eitice agus inbhuanaitheachta maidir leis an gcaoi a n-idirghníomhaíonn gnólachtaí leis an tsochaí agus leis an timpeallacht agus is gnéithe iad d'oibríocht rathúil ghnó. I saol dinimiciúil an ghnó, tá sé tábhachtach do na heagraíochtaí feidhmiú go heiticiúil, le bheith trédhearcach agus teagmháil

eiticiúil a dhéanamh le custaiméirí, fostaithe, páirtithe leasmhara eile, lena phobal áitiúil, agus leis an timpeallacht.

Smaointeoireacht fiontraíochta: Nuair a fhorbraíonn an scoláire meon fiontraíoch, cabhraíonn sé leis smaoineamh go leathan, chun deiseanna a aithint agus freagairt dóibh, chun machnamh a dhéanamh ar riosca, éagsúlú agus oiriúnú de réir athrú, teacht ar chonclúidí eolacha, agus foghlaim óna thaithí. Cuidíonn sé seo leis nuálaíocht a chothú, rud a spreagann fás pearsanta agus gnó.

Litearthacht ghnó agus airgeadais: Is príomhinniúlachtaí iad litearthacht ghnó agus airgeadais i bhfoghlaim ar feadh an tsaoil a chuidíonn leis an scoláire mar dhuine aonair agus mar shaoránach chun eolas, iompraíochtaí agus meonta a fhorbairt a thacaíonn le cinntí gnó agus airgeadais atá cuí agus eolach a dhéanamh.

Claochlú digiteach: Tá an tírdhreach gnó athraithe ó bhonn de bharr forbairtí leanúnacha i dteicneolaíochtaí digiteacha agus tá siad tar éis cur isteach ar an gcaoi a bhfeidhmíonn gnó. Cuimsítear le samplaí de seo (ach níl siad teoranta do na samplaí céanna); digitiú, Intleacht Shaorga (IS) agus olltíomsú sonraí, rudaí ar fad a bhfuil tionchar acu ar ghnólachtaí iad féin, ar an gcaoi a ndéileálann custaiméirí le gnó, ar shaol na hoibre agus ar an gcaoi andéantar cinntí. Is í an timpeallacht atá ag athrú go sciobtha atá mar dhúshlán roimh ghnólachtaí agus custaiméirí chun aghaidh a thabhairt ar nuálaíocht agus chun leas a bhaint as an gcumhacht de theicneolaíocht dhigiteach le linn dóibh a bheith ag tabhairt aghaidh ar aon dúshlán a d'fhéadfadh teacht chun cinn.



Fíor 3: Gnó na hArdteistiméireachta: Léargas ar an tSonraíocht

Ceapadh shonraíocht Ghnó na hArdteistiméireachta le haghaidh 180 uair an chloig ar a laghad d'am ranga. Tugtar achoimre ghairid ar gach snáithe agus tábla ina ndiaidh ina leagtar amach an fhoghlaim don scoláire i ndá cholún. Sa cholún ar dheis, tá torthaí foghlama a dhéanann cur síos ar an eolas, na scileanna, na luachanna agus na meonta ba cheart a bheith ar chumas an scoláire i ndiaidh tréimhse foghlama. Sa cholún ar chlé, déantar cur síos ar réimsí ar leith faoina bhfoghlaimíonn an scoláire. I dteannta a chéile, cuirfidh siad seo soiléireacht agus comhleanúnachas leis na codanna eile den tsonraíocht ar fáil. Tá cuid de na coincheapa laistigh de thorthaí foghlama marcáilte le réiltín (*) le tabhairt le fios go ndéantar tuilleadh scrúdú ar an gcoincheap sa [Ghluais Téarmaí](#).

Déantar measúnú ar an bhfoghlaim atá leagtha amach sa tsonraíocht seo ag Ardleibhéal agus Gnáthleibhéal, mar sin ba cheart go mbeadh na torthaí foghlama atá leagtha amach ar fud na snáitheanna a bheith indéanta i dtaca le cumas agus le hinniúlachtaí gach scoláire. Cuireann torthaí foghlama próisis teagaisc agus foghlama chun cinn a fhorbraíonn eolas, scileanna, luachanna agus meonta an scoláire de réir a chéile, rud a chuireann ar a chumas a phríomhinniúlachtaí a chur i bhfeidhm ar chásanna difriúla de réir mar a théann sé chun cinn. Tabharfaidh an scoláire atá ag déanamh staidéar ar an ngnáthleibhéal agus ar an ardleibhéal

aghaidh chriticiúil ar Ghnó, ach beidh an comhthéacs, an fhaisnéis agus na torthaí a eascraíonn as an rannpháirtíocht sin éagsúil lena chéile.

Gnáthleibhéal	Ardleibhéal
<p>Forbraíonn an scoláire a eolas, tuiscint agus cur i bhfeidhm na n-inniúlachtaí gnó agus bainteacha, rud a chabhraíonn leis gnéithe bunúsacha de shaol an ghnó a aithint agus a mhíniú de bharr go mbaineann siad lena shaol, fiontraíocht, an tsochaí féin agus le tionchar na dtosca náisiúnta agus idirnáisiúnta.</p>	<p>Léiríonn an scoláire tuiscint shofaisticiúil agus cur i bhfeidhm na n-inniúlachtaí gnó agus bainteacha, rud a chabhraíonn leis gnéithe bunúsacha de shaol an ghnó a aithint agus a mhíniú de bharr go mbaineann siad lena shaol, fiontraíocht, an tsochaí agus le tionchar na dtosca náisiúnta agus idirnáisiúnta.</p>
<p>Faigheann an scoláire eolas, a bhíonn cinnte den chuid is mó, ach a mbíonn píosa machnaimh agus teorice ann freisin.</p>	<p>Faigheann an scoláire eolas atá casta go leor, agus déanann sé machnamh ar an eolas agus cuireann sé i bhfeidhm é i réimsí ábhartha.</p>
<p>Déanann an scoláire anailís ar fhaisnéis agus forbraíonn sé a chuid smaointe nó dearthaí féin ach úsáid a bhaint as feacht chriticiúil de shaghas éigin. Is iad na gnéithe comónta sin: déanann sé raon measartha de scileanna a léiriú agus a úsáid agus cuireann sé a thuiscint i bhfeidhm maidir le fadhbanna éagsúla a thuiscint i gcomhthéacsanna coitianta den chuid is mó agus i roinnt comhthéacsanna neamhchoitianta leis agus cosnaíonn sé a dhearthaí.</p>	<p>Déanann an scoláire anailís ar fhaisnéis agus smaoiníonn sé go cruthaitheach agus go criticiúil chun a chuid smaointe nó dearthaí féin a fhorbairt. Léiríonn sé raon leathan scileanna agus bainfidh sé leas astu chun faisnéis a mheas agus a úsáid le go gcosnófaí dearthaí feasacha agus chun machnamh a dhéanamh ar fadhbanna coitianta agus neamhchoitianta.</p>
<p>Cuireann an scoláire a fhoghlaim i bhfeidhm ar shaincheisteanna coitianta ach ar roinnt saincheisteanna neamhchoitianta laistigh den saol comhaimseartha gnó.</p>	<p>Cuireann an scoláire a fhoghlaim i bhfeidhm i réimse leathan saincheisteanna coitianta agus neamhchoitianta laistigh den saol comhaimseartha gnó.</p>

Tábla 1 Dearadh torthaí foghlama don gnáthleibhéal agus don ardlleibhéal

Snáithe Aontach: Gnó a Iniúchadh

Baineann an snáithe seo le gach ceann de na ceithre shnáithe chomhthéacsúla agus cuireann sé beocht sna cleachtais agus sna noirm a bhaineann le bheith ag obair le faisnéis agus sonraí chun teacht ar chonclúidí, cinní agus moltaí feasacha. Is í an fhoghlaim ata leagtha amach sa snáithe seo a chuireann leis na cleachtais a forbraíodh i seomra ranga staidéar gnó na sraithe sóisearaí agus cothaíonn sé an téama trasghearrtha den mheon fiontraíoch de réir mar a thugann an scoláire aghaidh ar phróiseas ina gcaithfidh siad smaoineamh go hoscailte, deiseanna a aithint agus a thapú, machnamh a dhéanamh ar riosca, éagsúlú agus oiriúnú de réir athrú agus foghlaim óna eispéiris.

Tá go leor deiseanna ar fud na sonraíochta chun an foghlaim atá leagtha amach laistigh den snáithe seo a fhorbairt agus tá an tsaoirse agus an tsolúbthacht ag an múinteoir chun é seo a dhéanamh ar fud na dtorthaí foghlama sna ceithre shnáithe chomhthéacsúla, An Timpeallacht Ghnó, A bheith i gceannas i ngnó, Fiontraíocht á cur i ngníomh agus Cinntí Feasacha a Dhéanamh, agus nuair atá siad ag tacú leis an scoláire a fhoghlaim a chur i bhfeidhm i dtuarascálacha tráthúla agus míreanna nuachta a bhaineann le cúrsaí gnó.

Torthaí Foghlama an tsnáithe aontaigh

Foghlaimíonn an scoláire faoi	Ba cheart go mbeadh sé ar chumas an scoláire
<p>A1. Ceisteanna taighde a fhorbairt</p> <ul style="list-style-type: none"> • an gá le hábhair nó ceisteanna taighde a fhorbairt agus a bheachtú lena chinntiú go bhfuil soiléireacht ann agus go bhfuil eolas nó sonraí dóthanacha ar ardchaighdeán ann. 	<p>a. raon ceisteanna taighde bailí a fhorbairt.</p>
<p>A2 Faisnéis a bhainistiú</p> <ul style="list-style-type: none"> • an tábhacht le húsáid a bhaint as réimse eolais agus sonraí; machnamh a dhéanamh ar réimse dearcthaí, inchreidteacht na foinsé eolais/sonraí, comhthéacs agus cruinneas an eolais/na sonraí, measúnú a dhéanamh ar eolas/ar shonraí le haghaidh claonadh féideartha, iontaofachta agus luacha. • an gá le heolas agus sonraí a anailísiú ó réimse dearcthaí agus a chinntiú go bhfuil na sonraí agus an t-eolas a bailíodh ionadaíoch agus cuimsitheach. 	<p>a. sonraí, fianaise agus/nó eolas cuí a shainaithint agus a eagrú, ar shaincheisteanna a bhaineann le gnó in Éirinn ó réimse foinsí.</p> <p>b. measúnú a dhéanamh ar chruinneas, inchreidteacht agus iontaofacht na bhfoinsí.</p> <p>c. na foinsí sonraí, fianaise agus/nó an t-eolas atá á úsáid a thaifeadadh agus a eagrú go cruinn.</p> <p>d. príomhphointí nó smaointe i ngach foinsé a shainaithint.</p> <p>e. anailísiú a dhéanamh ar a fhoinsí eolais lena fháil amach a thábhachtaí atá saincheist do dhaoine aonair agus/nó grúpaí éagsúla.</p> <p>f. bearnaí in eolas i sonraí a shainaithint agus measúnú a dhéanamh ar an toradh ar an méid sin trí theacht ar chonclúid(i) feasach(a) a úsáid.</p>

Foghlaimíonn an scoláire faoi	Ba cheart go mbeadh sé ar chumas an scoláire
<p>A3 Pleanáil tionscadail</p> <ul style="list-style-type: none"> tá an suntas de phlean tionscadail mionsonraithe agus de mhonatóireacht a dhéanamh ar dhul chun cinn mar chuid de bhainistiú tionscadal. An gá le plean tionscadail ina bhfuil aidhm, spriocanna agus critéir shoiléire maidir le rath agus cuimsítear leis ról agus freagrachtaí, acmhainní, cuspóirí, sceideal ama mionsonraithe, measúnú riosca, monatóireacht agus measúnacht. 	<ol style="list-style-type: none"> tuiscint a léiriú ar an tábhacht le haidhm, spriocanna agus critéir atá sainithe go soiléir maidir le rath i dtionscadal a léiriú. breac-chuntas a thabhairt ar na príomhghnéithe de phlean tionscadail agus plean tionscadail a chur le chéile lena gcuimsítear na príomhghnéithe seo. tuiscint a léiriú ar an tábhacht a bhaineann le monatóireacht agus measúnú a dhéanamh ar dhul chun cinn an tionscadail.
<p>A4 Faisnéis a anailísiú agus a mheasúnú</p> <ul style="list-style-type: none"> an gá le torthaí a anailísiú agus a mheas chun teacht ar chonclúid(í) feasach(a). 	<ol style="list-style-type: none"> eolas agus sonraí a anailísiú agus a léirmhíniú. measúnú a dhéanamh ar réimse dearthaí laistigh de na torthaí. torthaí a sintéisiú chun tuiscint nua nó tuiscint fheabhsaithe a chruthú. luach an eolais seo a mheas. torthaí a mheasúnú chun cinneadh/cinntí eolasacha a dhéanamh, chun teacht ar chonclúid/chonclúidí eolasacha nó chun moladh/moltaí a chur ar fáil.
<p>A5 Torthaí agus dearthaí a chur i láthair</p> <ul style="list-style-type: none"> an tábhacht le cumarsáid i bhformáid agus i stíl a fheileann don lucht féachana sprice. 	<ol style="list-style-type: none"> úsáid a bhaint as na foirmeacha cuí cumarsáide (ó bhéal, físe, scríofa, ilmhódach) ar chríocha éagsúla agus do lucht féachana a d'fhéadfadh a bheith éagsúil. úsáid a bhaint as graif/cairteacha/léaráidí/grafaicí chun tacú le cur i láthair a thorthaí. sainithint cén chaoi agus cén fáth a bhféadfadh a dhearthaí a bheith athraithe bunaithe ar a chuid taighde. conclúid(í), dearcadh/dearthaí agus nó moladh/moltaí a chur in iúl go soiléir agus go loighciúil trí úsáid a bhaint as téarmeolaíocht ghnó agus

Foghlaimíonn an scoláire faoi	Ba cheart go mbeadh sé ar chumas an scoláire
	coincheapa gnó i gceart agus go héifeachtúil.
<p>A6 Foinsí a aithint</p> <ul style="list-style-type: none"> • an tábhacht le gach foinse eolais* a thaifeadadh agus a aithint, is cuma más foinse phríomha nó foinse thánaisteach atá ann, beag beann ar an bhformáid. 	<p>a. gach foinse sonraí agus eolais a thaifeadadh agus a aithint go soiléir agus go cruinn.</p>

Snáithe 1: Iniúchadh a dhéanamh ar an Timpeallacht Ghnó

Is geilleagar beag oscailte í Éire agus bíonn tionchar aige sin ar ghnó, ar bheartais agus ar chinntí rialtais agus ar chustaiméirí dá réir sin. Déanann an scoláire iniúchadh ar an gcaoi a ndéanann an rialtas cinntí a imríonn tionchar ar ghnó agus ar an gcaoi a bhfuil tionchar ag gnó ar an tsochaí, ar an timpeallacht agus ar an ngeilleagar. Déanann sé iniúchadh ar an gcaoi a bhfuil tionchar ag forbairtí ag leibhéal náisiúnta agus Eorpach agus idirnáisiúnta ar shaol an ghnó agus déanann sé machnamh ar an gcaoi ar féidir le forbairtí digiteacha agus trádáil idirnáisiúnta tionchar a imirt ar thomhaltóirí agus ar ghnólachtaí araon.

Sa snáithe seo, forbróidh an scoláire tuiscint ar an timpeallacht ghnó. Bainfidh an scoláire an méid sin amach trí mhachnamh a dhéanamh ar fhoirmeacha éagsúla eagraíochtaí gnó agus ar an tábhacht le páirtithe leasmhara éagsúla agus ar an gcaoi a n-idirghníomhaíonn siad lena chéile. Déanfaidh an scoláire iniúchadh ar an tionchar atá ag beartais an rialtais ar ghnó, déanfaidh sé iniúchadh ar na tacaíochtaí atá ar fáil do ghnólachtaí chun tionscnaíocht agus fiontraíocht a chothú agus a fhorbairt, agus déanfaidh sé machnamh ar an gcaoi ar féidir le ghnólachtaí agus le spéiseanna ghnólachtaí tionchar a imirt ar bheartas náisiúnta.

Mar náisiún oileánda, is príomhghné d'fhorbairt gnó í rochtain ar bhloic thrádála. Tá ballraíocht na hÉireann san AE suntasach freisin do ghnólachtaí na hÉireann agus déanfaidh an scoláire anailísiú agus measúnú ar bhallraíocht na hÉireann san AE agus ar na deiseanna agus ar na dúshláin a bhaineann leis sin. Foghlaimeoidh an scoláire faoi shaol an ghnó dhomhanda agus faoin gcaoi ar féidir le geilleagar oscailte na hÉireann leas a bhaint as trádáil idirnáisiúnta, agus na dúshláin a théann leis an méid sin a aithint freisin. Nuair a dhéanann an scoláire iniúchadh ar thionchar na teicneolaíochta agus ar phoitéinseal na hInfheistíochta Díri Coigríche, cuideoidh sé sin leis an scoláire a chur ar an eolas agus tuiscint a fháil ar shaol dinimiciúil an ghnó.

Trí pháirt a ghlacadh san fhoghlaim seo, forbróidh an scoláire réimse scileanna amhail anailís agus meastóireacht chriticiúil agus gheobhaidh sé tuiscint ar an suntas a bhaineann leis an timpeallacht ghnó náisiúnta agus idirnáisiúnta. Beidh an deis ag an scoláire iniúchadh a dhéanamh ar shaincheisteanna tráthúla gnó agus tabharfar an chumhacht dó teacht ar chonclúidí feasacha agus a fhoghlaim a chur i bhfeidhm ar fud a staidéir ar Ghnó na hArdteistiméireachta.

Snáithe 1 Torthaí foghlama

Foghlaimíonn an scoláire faoi	Ba cheart go mbeadh sé ar chumas an scoláire
<p>1. Príomhpháirtithe leasmhara i ngnó</p> <ul style="list-style-type: none"> • príomhpháirtithe leasmhara i ngnó (lena n-áirítear úinéirí gnólachtaí, infheisteoirí, fostaithe, tomhaltóirí, soláthróirí, pobal áitiúil agus rialtas), an tábhacht atá leo i ngnó agus a n-idirspleáchais, lena n-áirítear riachtanais agus mianta na bpríomhpháirtithe leasmhara éagsúla ag céimeanna éagsúla den fhorbairt gnó. 	<ul style="list-style-type: none"> a. breac-chuntas a thabhairt ar na príomhpháirtithe leasmhara inmheánacha agus seachtracha i ngnó agus an tábhacht atá leo sa timpeallacht ghnó a léiriú. b. an chaoi a n-idirghníomhaíonn na páirtithe leasmhara lena chéile a aithint chomh maith le coimhlint fhéideartha a aithint idir na páirtithe leasmhara. c. bealaí cuí a mholadh chun coimhlint a sheachaint agus a réiteach idir páirtithe leasmhara. d. páirt a ghlacadh i mapáil páirtithe leasmhara* agus an tábhacht le tús áite a thabhairt do spéiseanna páirtithe leasmhara éagsúla a mhíniú.
<p>2. Foirmeacha gnó, rialachán agus rialachas gnó</p> <ul style="list-style-type: none"> • na cineálacha éagsúla gnólachtaí a fheidhmíonn, lena n-áirítear fiontair phoiblí agus phríobháideacha, agus nádúr na húinéireachta gnó agus an chaoi a bhféadfadh sé seo teacht chun cinn thar shaolré gnólachta. • an chaoi a ndéanann cineálacha éagsúla gnólachtaí tairbhe go háitiúil agus go náisiúnta. Ba cheart go gcuimseofaí leis na cineálacha eagraíochtaí; trádálaithe aonair, cuideachtaí príobháideacha teoranta, gnólachtaí gníomhaíochta ainmnithe, gnólachtaí liostaithe go poiblí, 	<ul style="list-style-type: none"> a. idirdhealú a dhéanamh idir fiontair phoiblí, phríobháideacha agus fiontair sheachbhrabúsacha. b. breac-chuntas a thabhairt ar na difríochtaí idir cineálacha éagsúla eagraíochtaí in úinéireacht ghnólachta chomh maith leis an gcaoi ar féidir le húinéireacht athrú le himeacht ama. c. anailísiú a dhéanamh ar thairbhe na gcineálacha gnólachtaí seo go háitiúil agus go náisiúnta. d. an méid atá i gceist le náisiúnú agus príobháidiú a mhíniú agus breac-chuntas a thabhairt ar an bhfáth a bhféadfaí gnólacht a náisiúnú nó a phríobháidiú.

Foghlaimíonn an scoláire faoi	Ba cheart go mbeadh sé ar chumas an scoláire
<p>saincheadúnais, comharchumainn, eagraíochtaí earnála poiblí, fiontair shóisialta agus eagraíochtaí neamhrialtasacha.</p> <ul style="list-style-type: none"> • an chaoi a rialaítear eagraíochtaí agus an tábhacht le rialachán. • an suntas a bhaineann leis na tosca Rialachais Shóisialta agus Comhshaoil* i rialachas gnó. 	<ul style="list-style-type: none"> e. breac-chuntas a thabhairt ar chuspóir an rialacháin i ngnó. f. iniúchadh a dhéanamh ar an gcaoi a rialaítear eagraíochtaí go himmheánach agus go seachtrach agus breac-chuntas a thabhairt ar an difríocht idir rialachán inmheánach agus seachtrach. g. an méid atá i gceist le rialachas in eagraíocht a mhíniú. h. breac-chuntas a thabhairt ar na trí ghné a ndéantar machnamh orthu i dtuarascáil Rialachais Shóisialta agus Comhshaoil.
<p>3. Príomhtháscairí eacnamaíochta</p> <ul style="list-style-type: none"> • ábharthacht na dtáscairí eacnamaíochta ar leith lena n-áirítear boilsciú, rátaí fostaíochta, rátaí úis, fás geilleagrach agus forbairt gheilleagrach agus muinín an tomhaltóra maidir le forbairt agus fás gnó. 	<ul style="list-style-type: none"> a. tuiscint a léiriú ar an gcaoi ar féidir le táscairí geilleagracha tionchar a bheith acu ar fhorbairt agus ar fhas gnó.
<p>4. Beartas náisiúnta* agus gnó²</p> <ul style="list-style-type: none"> • luach an gheilleagair gnó in Éirinn, lena n-áirítear, láimhdeachas agus patrúin fostaíochta. • an ról atá ag rialtas na hÉireann chun tacú le gnólachtaí agus fiontraíocht in Éirinn go háitiúil agus go náisiúnta. • an chaoi ar féidir le cinní beartais tionchar a imirt ar earnálacha éagsúla de ghníomhaíocht gheilleagrach agus an chaoi ar féidir le gnó agus fiontraíocht eolas a dhéanamh d'fhorbairt beartais agus tionchar a imirt ar an bhforbairt chéanna. 	<ul style="list-style-type: none"> a. breac-chuntas a thabhairt ar luach an gheilleagair gnó in Éirinn. b. deiseanna agus dúshláin gheilleagar na hÉireann a shainiú mar thimpeallacht le haghaidh forbairt gnó. c. iniúchadh a dhéanamh ar ról an rialtais chun fiontraíocht a chothú agus chun tacú le forbairt agus fás gnó.

² Tá iallach ar an scoláire a bheith ag plé le beartais reatha lena chinntiú go ndéanfaidh siad iniúchadh ar eolas ábhartha de bharr go mbaineann sé le cleachtas gnó reatha. Sa chás go n-athraíonn beartas ábhartha le linn an dá bhliain de staidéar, tá sé de rogha ag an scoláire a bheith ag plé leis an seanbheartas nó leis an mbeartas nua.

Foghlaimíonn an scoláire faoi	Ba cheart go mbeadh sé ar chumas an scoláire
<ul style="list-style-type: none"> • an tionchar atá ag beartas náisiúnta ar ghníomhaíocht gnólachtaí lena n-áirítear aidhm an bheartais, an chaoi ar féidir leis tionchar dearfach agus diúltach a imirt ar pháirtithe leasmhara éagsúla agus cé acu an gcothaíonn sé cleachtas gnó eiticiúil agus inbhuanaithe agus/nó úsáid na teicneolaíochta nó nach gcothaíonn. 	<ul style="list-style-type: none"> d. breac-chuntas a thabhairt ar trí bheartas náisiúnta a imríonn tionchar ar thrí earnáil éagsúla de ghníomhaíocht gheilleagrach* in Éirinn. e. breac-chuntas a thabhairt ar an ról atá ag gnólachtaí i bhforbairt an bheartais náisiúnta. f. measúnú a dhéanamh ar an tionchar atá ag beartas náisiúnta amháin a imríonn tionchar ar ghníomhaíocht ghnó ar fud roinnt earnálacha de ghníomhaíocht eacnamaíochta.
<p>5. Beartas AE agus gnó</p> <ul style="list-style-type: none"> • an chaoi a bhforbraíonn an AE beartais, na príomhghníomhaithe i bhforbairt beartais an AE (lena n-áirítear Comhairle an Aontais Eorpaigh, an Coimisiún Eorpach, Parlaimint na hEorpa, Cúirt Bhreithiúnais an Aontais Eorpaigh) agus an chaoi a n-imríonn beartais an AE tionchar ar chúrsaí ag leibhéal rialtais náisiúnta. • an tionchar atá ag beartas an AE ar chúrsaí gnó agus leagtar béim ar aidhm na treorach/reachtaíochta, an chaoi ar féidir leis tionchar dearfach agus diúltach a imirt ar pháirtithe leasmhara éagsúla agus cé acu an gcothaíonn sé cleachtas gnó eiticiúil agus inbhuanaithe agus/nó úsáid na teicneolaíochta nó nach gcothaíonn. 	<ul style="list-style-type: none"> a. na cinnteoirí i bhforbairt beartais na hEorpa a shainaithint. b. idirdhealú a dhéanamh idir rialacháin, treoracha agus tuairimí na hEorpa agus breac-chuntas a thabhairt ar an gcaoi a gcaithfidh rialtas na hÉireann freagairt don mhéid sin maidir le beartas náisiúnta. c. measúnú a dhéanamh ar an tionchar atá ag rialachán AE amháin agus ag treoir amháin ón AE ar ghníomhaíocht ghnó.
<p>6. Gnó domhanda agus idirnáisiúnta</p> <ul style="list-style-type: none"> • an tábhacht le bloic thrádála, ballraíocht na hÉireann san AE agus an chaoi ar féidir leis an méid seo tionchar a imirt ar gheilleagar na hÉireann agus ar ghnólachtaí agus ar thomhaltóirí in Éirinn. 	<ul style="list-style-type: none"> a. an méid atá i gceist le bloc trádála a mhíniú agus plé a dhéanamh ar an bhfáth a bhfuil siad tábhachtach do ghnólachtaí i ngeilleagar na hÉireann. b. na bloic thrádála is ábhartha do ghnólachtaí na hÉireann a shainaithint. c. measúnú a dhéanamh ar bhallraíocht na hÉireann san AE ó thaobh an gheilleagair, gnólachtaí agus tomhaltóirí.

Foghlaimíonn an scoláire faoi	Ba cheart go mbeadh sé ar chumas an scoláire
<ul style="list-style-type: none"> • an margadh gnó idirnáisiúnta agus cén fáth a bhféadfadh eagraíochtaí atá lonnaithe in Éirinn cinneadh a dhéanamh fairsingiú go hidirnáisiúnta agus na gnéithe le cuimhneamh orthu lena n-áirítear cúrsaí cánach agus taraifí, rátaí malairte, rialachán, iomaíocht agus teanga/cultúr. • an tábhacht a bhaineann le comhardú na n-íocaíochtaí agus comhardú na trádála. • na hiarmhairtí sóisialta agus comhshaoil a bhaineann le domhandú lena n-áirítear rioscaí polaitiúla, rioscaí airgeadais, agus bacainní cultúrtha. • an ról atá ag an teicneolaíocht i ndomhandú lena n-áirítear trádáil, cleachtais oibre agus an chaoi a bhfeidhmíonn an gnólacht. • coincheap na hInfheistíochta Díri Coigríche (IDC), an chaoi a meallann Éire IDC (lena n-áirítear caipiteal daonna* forbairt, beartas ar son fiontair, rochtain ar mhargaí agus ar thaighde) agus na deiseanna agus na dúshláin a bhaineann le IDC in Éirinn maidir le fostaíocht, fáiltas, taighde agus nuálaíocht. 	<ul style="list-style-type: none"> d. breac-chuntas a thabhairt ar na gnéithe le cuimhneamh orthu nuair a bhítear ag trádáil go hidirnáisiúnta. e. breac-chuntas a thabhairt ar an bhfáth a mbíonn gnólachtaí na hÉireann ag trádáil go domhanda agus tagairt a dhéanamh do gheilleagar oscailte na hÉireann agus comparáid a dhéanamh idir na dúshláin agus na tairbhí de thrádáil i dtimpeallacht idirnáisiúnta. f. comparáid a dhéanamh idir idirnáisiúnú*, domhandú* agus comhchruinniú*. g. idirdhealú a dhéanamh idir comhardú na n-íocaíochtaí agus comhardú na trádála agus an dá cheann a ríomh bunaithe ar na figiúirí a thugtar. h. measúnú a dhéanamh ar thionchar na n-eagraíochtaí Éireannacha ag trádáil go hidirnáisiúnta, agus béim á leagan ar an tionchar dearfach agus diúltach agus ar an tionchar sóisialta agus comhshaoil atá ag domhandú. i. an chaoi ar féidir le domhandú idirspleáchas* a mhéadú agus measúnú a dhéanamh ar na hiarmhairtí de seo do na gnólachtaí agus do na tomhaltóirí araon. j. ról na teicneolaíochta i ndomhandú a anailísiú agus a mheasúnú. k. an méid atá i gceist le hInfheistíocht Dhíreach Choigríche a mhíniú. l. an chaoi a gcuireann rialtas na hÉireann Infheistíocht Dhíreach Choigríche chun cinn a iniúchadh m. breac-chuntas a thabhairt ar ranníocaíocht na hInfheistíochta Díri Coigríche do gheilleagar na hÉireann.
<p>7. Mo chuid foghlama a chur i bhfeidhm</p> <ul style="list-style-type: none"> • an chaoi ar féidir a fhoghlaim i nGnó na hArdteistiméireachta a chur i 	<ul style="list-style-type: none"> a. anailísiú a dhéanamh ar eolas ón nuacht agus ó na meáin a bhaineann

Foghlaimíonn an scoláire faoi	Ba cheart go mbeadh sé ar chumas an scoláire
bhfeidhm ina shaol laethúil agus an chaoi ar féidir leis cuidiú leis tuiscint a fháil ar scéalta gnó sna meáin.	leis an timpeallacht ghnó agus tuairim nó dearcadh feasach a chur ar fáil.

Snáithe 2: Fiontraíocht a thuiscint

Tacaíonn an snáithe seo le rannpháirtíocht an scoláire i saol dinimiciúil an ghnó trí thuiscint a fhorbairt ar phleanáil straitéiseach agus ar shuntas na samhlacha gnó. Sa snáithe seo forbróidh an scoláire tuiscint ar thionscnaíocht agus ar fhiontraíocht sa bhrí is coitianta agus aithneoidh sé an tábhacht le fiontraíocht agus infhiontraíocht i saol an ghnó chomh maith lena tábhacht don duine aonair, don phobal agus don gheilleagar níos leithne.

Sa snáithe seo, forbróidh an scoláire tuiscint ar phleananna gnó agus ar shamhlacha gnó agus cuirfidh sé an t-eolas agus an tuiscint i bhfeidhm i ngnéithe éagsúla d'fhorbairt fiontair.

Tacóidh sé seo leis an scoláire chun tuiscint a fháil ar na dúshláin a bhíonn ann le linn don ghnólacht a bheith sa chéim nua-thionscanta de thimthriall beatha an ghnólachta, agus ar an ról tábhachtach de phleanáil straitéiseach chun luach a chruthú.

Tar éis don scoláire iniúchadh a dhéanamh ar an bpróiseas d'fhorbairt smaointe, déanfaidh an scoláire iniúchadh ar fhás agus forbairt gnólachta agus ar bhuntáiste iomaíoch. Díreoidh an scoláire ar idirghaolmhaireachtaí idir taighde margaidh, an cumasc margaíochta agus iompraíocht tomhaltóirí, agus úsáidfidh sé réimse uirlisí anailíseacha chun teacht ar chonclúidí feasacha agus na conclúidí sin a anailísiú agus a mheasúnú. Déantar machnamh ar an tábhacht le riosca a bhainistiú chomh maith leis an ngá le machnaimh eiticíúla agus inbhuanaitheachta agus an chumhacht dhigiteach a fháil i ngach céim d'fhorbairt an ghnólachta.

Agus an scoláire rannpháirteach san fhoghlaim sa snáithe seo, forbróidh sé a chumas chun rudaí a anailísiú agus a mheasúnú go criticiúil. Tuigfidh an scoláire an luach atá ar fhiontraíocht agus infhiontraíocht agus beidh tuiscint níos fearr aige ar an ngá le nuálaíocht. Sa staidéar den snáithe seo, cuirfear ar chumas an scoláire plé a dhéanamh agus tuairimí feasacha a chur i láthair ar réimse saincheisteanna tráthúla gnó agus cuirfidh sé a fhoghlaim i bhfeidhm san anailís ar roinnt gnólachtaí éagsúla.

Snáithe 2 Torthaí foghlama

Foghlaimíonn an scoláire faoi	Ba cheart go mbeadh sé ar chumas an scoláire
<p>1. Fiontraíocht sa chiall is coitianta</p> <ul style="list-style-type: none"> • an réimse fáthanna éagsúla chun fiontar a thosú agus an chaoi a bhfuil baint ag fiontraíocht agus nuálaíocht leis an rialtas, leis an tsochaí, gnó, leis an bpobal agus lena shaol féin agus an chaoi a bhfuil siad tábhachtach don mhéid sin freisin. • na hinniúlachtaí a thacaíonn le nuálaíocht agus le forbairt fiontar. 	<ul style="list-style-type: none"> a. samplaí de nuálaíocht, infhiontraíocht agus fiontraíocht a shainaithint ina phobal áitiúil, go náisiúnta agus go hidirnáisiúnta agus an tábhacht le nuálaíocht do ghnó, don gheilleagar agus don tsochaí a mhíniú. b. inniúlachtaí na nuálaithe a shainaithint agus a shainaithint breac-chuntas a thabhairt ar an bhfáth a bhfuil siad suntasach agus gnólacht á thosú.
<p>2. Forbairt smaointe</p> <ul style="list-style-type: none"> • an tábhacht le forbairt smaointe chun cuidiú le smaointe féideartha a bheachtú. • an suntas a bhaineann le smaointeoireacht deartha* (lena n-áirítear na ceithre chéim chun soiléiriú, idéú, forbairt agus cur i bhfeidhm) chun tacú le forbairt smaointe agus leis an tábhacht le measúnú a dhéanamh ar smaoineamh gnó chun inmharthanacht an ghnólachta amach anseo a fháil amach. • na tacaíochtaí atá ar fáil chun gnólacht a bhunú agus a fhorbairt go háitiúil agus go náisiúnta. 	<ul style="list-style-type: none"> a. iniúchadh a dhéanamh ar na gnéithe ag a bhfuil tionchar ar fhorbairt na smaointe gnó. b. breac-chuntas a thabhairt ar smaointeoireacht deartha mar chur chuige nuálach maidir le forbairt smaointe agus tuiscint a fháil ar an gcaoi a bhfuil an próiseas atriallach agus go bhfuil sé réiteach-lárnaithe agus duine-lárnaithe araon. c. tuiscint a fháil ar an tábhacht le staidéar féidearthachta a réachtáil chun smaoineamh gnó a mheasúnú. d. breac-chuntas a thabhairt ar thacaíochtaí seachtracha atá ar fáil le haghaidh forbairt gnó in Éirinn.
<p>3. Pleanáil ghnó</p> <ul style="list-style-type: none"> • an tábhacht le plean gnó soiléir ag céimeanna éagsúla d'fhorbairt gnó agus an chaoi a dtacaíonn sé le bunú, oibríochtaí, maoiniú agus forbairt an ghnólachta, agus an gá chun machnamh a dhéanamh ar na gnéithe eiticíúla agus inbhuanaitheachta. • ról na samhla gnó* chun ioncam a fháil agus luach a chruthú, a sheachadadh agus a fháil don fhiontar agus dá chustaiméirí araon. 	<ul style="list-style-type: none"> a. tuiscint a fháil ar an tábhacht straitéiseach le plean gnó a bheith agat agus breac-chuntas a thabhairt ar phríomhfheidhmeanna an phlean gnó. b. breac-chuntas a thabhairt ar an tábhacht le cúrsaí eitice agus inbhuanaitheachta nuair a bhítear ag pleanáil cúrsaí gnó. c. an méid atá i gceist le samhail ghnó a mhíniú agus tuiscint a fháil ar a ról laistigh den phlean gnó.

Foghlaimíonn an scoláire faoi	Ba cheart go mbeadh sé ar chumas an scoláire
<ul style="list-style-type: none"> • an tábhacht leis an tsamhail ghnó agus le gnéithe de chanbhás na samhla gnó*. • réimse samhlacha gnó lena n-áirítear miondíol, déantúsaíocht, síntiús, gnólacht saincheadúnais agus cleamhnáí. • an geilleagar digiteach lena n-áirítear an mhargaidh, síntiús, slua-chistiú agus samhlacha lena dtacaíonn fógraíocht, na cosúlachtaí agus difríochtaí nuair a chuirtear iad sin i gcomparáid le samhlacha gnó neamhdhigiteacha, agus an chaoi ar oiriúnaíodh gnólachtaí nó ar forbraíodh iad bunaithe ar an ngeilleagar digiteach agus tiománaithe inmheánacha nó seachtracha eile. 	<ul style="list-style-type: none"> d. na príomhghnéithe de chanbhás samhla gnó a shainnithint agus breac-chuntas a thabhairt ar ról na samhlacha gnó i bhfiontair ar éirigh leo. e. na samhlacha gnó is coitianta a shainnithint agus a chur i gcomparáid. f. breac-chuntas a thabhairt ar an gcaoi ar tiománaí claochlaithe í an teicneolaíocht dhigiteach sa ghnó. g. roinnt samhlacha gnó á gcur chun cinn ag teicneolaíocht a shainnithint agus a chur i gcomparáid agus breac-chuntas a thabhairt ar na príomhghnéithe de gach samhail.
<p>4. An spriocmhargadh</p> <ul style="list-style-type: none"> • an cumasc margaíochta agus an tábhacht leis an spriocmhargadh a shainnithint, taighde margaidh a reáchtáil agus margaíocht le haghaidh gnólachta lena n-áirítear táirge/seirbhís, praghsáil, promóisean, daoine, pacáistíocht, próiseas agus áit. • an chaoi ar athraigh teicneolaíocht taighde margaidh agus margaíocht. • an tábhacht le cúrsaí eitice agus inbhuanaitheachta i margaíocht lena 	<ul style="list-style-type: none"> a. tuiscint a fháil ar an tábhacht le taighde margaidh chun an spriocmhargadh a shainnithint agus plé a dhéanamh ar an gcaoi a ndéanann gnólachtaí taighde margaidh. b. breac-chuntas a thabhairt ar na gnéithe de chumasc margaíochta agus an suntas a bhaineann leo don ghnólacht agus an chaoi a n-imríonn an spriocmhargadh tionchar orthu. c. cumasc margaíochta a chur le chéile le haghaidh táirge agus seirbhís de do rogha féin. d. bealaí chun feabhas a chur ar chumasc margaíochta reatha a mheasúnú agus a mholadh. e. tuiscint a léiriú ar an tionchar bunathraitheach* agus ar thionchar bunathraitheach na teicneolaíochta digití ar thaighde margaidh agus ar mhargaíocht.

Foghlaimíonn an scoláire faoi	Ba cheart go mbeadh sé ar chumas an scoláire
<p>n-áirítear gnólachtaí margaíochta agus straitéisí margaíochta éagsúla.</p> <ul style="list-style-type: none"> an réimse féideartha uirlisí anailíseacha chun suim na gcustaiméirí a anailísiú, an timpeallacht sheachtrach, inmharthanacht airgeadais agus an gné uathúil dhíolacháin. 	<ul style="list-style-type: none"> f. measúnú a dhéanamh ar thionchar na heitice agus na hinbhuanaitheachta ar mhargaíocht. g. greille chumhachta-spéise a úsáid chun suim na gcustaiméirí a anailísiú agus an cumasc margaíochta a chur in oiriúint mar is gá. h. anailís USP (gné uathúil dhíolacháin) a úsáid chun eolas a dhéanamh don straitéis mhargaíochta gnó. i. anailís STEEPLE* a dhéanamh chun tuiscint níos fearr a fhorbairt ar an margadh seachtrach agus chun saincheisteanna inní do ghnólacht a shainaithint.
<p>5. Oibríochtaí agus airgeadas</p> <ul style="list-style-type: none"> na gnéithe de ghné oibríochtúil an ghnólachta lena n-áirítear na príomhpháirtithe a d'fhéadfadh a bheith ag gnólacht, príomhghníomhaíochtaí an ghnólachta agus na príomhacmhainní, agus tuiscint a fháil freisin ar an gcaoi a bhféadfadh na gnéithe seo forbairt le himeacht aimsire. an ghné airgeadais de ghnó lena n-áirítear na príomhchostais a tabhaíodh (costais athraitheacha, costais sheasta) agus na sruthanna féideartha ioncaim (idirbhearta aonair nó díolacháin athfhillteacha) do ghnólacht ar bith, a thuiscint go bhféadfaidís seo forbairt le himeacht aimsire agus go bhféadfadh go mbeadh ar an ngnólacht rudaí a dhéanamh chun aghaidh a thabhairt ar shaincheisteanna a thagann chun cinn. 	<ul style="list-style-type: none"> a. breac-chuntas a thabhairt ar na príomhghnéithe atá riachtanach do shamhail oibríochtúil an ghnólachta agus an fáth a bhféadfaidís seo athrú le himeacht ama. b. na príomhchostais agus foinsí airgeadais a shainaithint agus an fáth a bhféadfaidís seo athrú le linn shaolré an táirge nó na seirbhíse. c. anailísiú a dhéanamh ar shreabhadh airgid gnólachta agus cur chuige a mholadh don ghnólacht chun aghaidh a thabhairt ar na saincheisteanna a thagann chun cinn as an anailís.
<p>6. Fás, forbairt agus méadú</p> <ul style="list-style-type: none"> an tábhacht le hiomaíocht fhéideartha agus iomaitheoirí féideartha a shainaithint i ngnó agus an suntas a bhaineann le buntáiste iomaíoch gnólachta agus an chaoi ar 	<ul style="list-style-type: none"> a. tuiscint a léiriú ar an tábhacht a bhaineann le hiomaíocht a shainaithint sa mhargadh. b. úsáid a bhaint as samhail cúig fhórsa Porter* chun iomaíocht a

Foghlaimíonn an scoláire faoi	Ba cheart go mbeadh sé ar chumas an scoláire
<p>féidir le gnólacht an leas is fearr a bhaint as seo.</p> <ul style="list-style-type: none"> • an chaoi nach mbíonn fiontraíocht gan ghluaiseacht agus an chaoi a gcuireann samhail ghnó creat ar fáil le haghaidh inscálaitheachta agus fás, an chaoi ar féidir leis an ngnólacht méadú a léiriú, páirt a ghlacadh i margaí nua, nó táirgí/seirbhísí nua a thabhairt isteach. • an chaoi a bhféadfadh go mbeadh ar ghnólacht é féin a chur in oiriúint do thiománaithe seachtracha (lena n-áirítear déimeagrafaic custaiméirí, iomaíocht agus gnéithe eacnamaíochta) nó chun feabhas a chur ar inbhuanaitheacht airgeadais agus an chaoi ar féidir leis an ngnólacht aghaidh a thabhairt ar shaincheistean trí mhachnamh a dhéanamh ar a tháirge/ar a sheirbhís, praghsáil, cur chun cinn, daoine, pacáistíocht, próiseas agus áit agus/nó samhail ghnó. 	<p>shainaithint agus a anailísiú sa mhargadh agus na torthaí céanna a úsáid chun an buntáiste iomaíoch atá ag gnólacht a shainaithint.</p> <ul style="list-style-type: none"> c. an tábhacht le samhail ghnó inscálaithe a anailísiú chun tacú le méadú agus forbairt gnó. d. breac-chuntas a thabhairt ar na straitéisí a chuir gnólacht i bhfeidhm chun é féin a chur in oiriúint nó chun méadú. e. tuiscint a fháil ar phoitéinseal na teicneolaíochta chun tacú le hoiriúnú agus méadú. f. anailís costais is tairbhe a dhéanamh chun anailísiú a dhéanamh ar an himpleachtaí a bhaineann le méadú gnó. g. léirithuiscint a fháil ar an ngá féideartha chun an tsamhail ghnó a chur in oiriúint don timpeallacht sheachtrach nó chun inbhuanaitheacht airgeadais a fheabhsú. h. breac-chuntas a thabhairt ar straitéisí a d'fhéadfadh gnólacht a chur i bhfeidhm le hoiriúint bunaithe ar a chumasc margaíochta agus/nó ar a samhail ghnó.
<p>7. Riosca a bhainistiú</p> <ul style="list-style-type: none"> • an nádúr a bhaineann le riosca laistigh d'fhiontraíocht agus an tábhacht le bainistíocht riosca i ngnó. • réimse straitéisí bainistíochta riosca lena n-áirítear seachaint, scaipeadh, cosc agus an tábhacht le táirgí feiliúnacha árachais a roghnú. 	<ul style="list-style-type: none"> a. breac-chuntas a thabhairt ar na dúshláin agus na rioscaí a bhaineann le tionscnaíocht agus fiontraíocht. b. breac-chuntas a thabhairt ar an tábhacht le measúnú agus bainistiú a dhéanamh ar rioscaí i ngnó. c. measúnú a dhéanamh ar réimse straitéisí bainistíochta riosca is féidir a úsáid chun freagairt do nadúshláin agus na rioscaí i ngnó.
<p>8. Mo chuid foghlama a chur i bhfeidhm</p> <ul style="list-style-type: none"> • an chaoi ar féidir a fhoghlaim i nGnó na hArdteistiméireachta a chur i 	

Foghlaimíonn an scoláire faoi	Ba cheart go mbeadh sé ar chumas an scoláire
bhfeidhm ina shaol laethúil agus an chaoi ar féidir leis cuidiú leis tuiscint a fháil ar scéalta gnó sna meáin.	a. anailísiú a dhéanamh ar eolas ón nuacht agus ó na meáin faoi fhiontraíocht agus nuálaíocht agus tuairim fheasach nó dearcadh feasach a chur ar fáil.

Snáithe 3: A bheith i gceannas i ngnó

Déantar iniúchadh sa snáithe seo ar bheith i gceannas i ngnó agus gnó a bhainistiú agus forbraíonn an scoláire tuiscint ar fhorbairt rathúil gnólachta, le linn dóibh a bheith ag aithint an tsuntais a bhaineann le meastacháin eiteiciúla chultúrtha in áiteanna oibre atá ag éirí níos éagsúla i gcónaí.

Sa snáithe seo, déantar iniúchadh ar chuir chuige maidir le hearcaíocht, roghnúchán agus breithmheas agus bíonn an deis ag an scoláire machnamh a dhéanamh ar thionchar na teicneolaíochta digití agus chun luach an chaipitil dhaonna agus na forbartha gairmiúla a aithint san áit oibre. Déantar machnamh ar an suntas a bhaineann le cultúr eagraíochtúil sa snáithe seo, agus bíonn an deis ag an scoláire machnamh a dhéanamh ar aighneas cultúrtha féideartha agus machnamh a dhéanamh ar na deiseanna agus ar na dúshláin a bhaineann leis na bealaí nua oibre agus chun machnamh a dhéanamh ar an tábhacht le díriú ar fholláine san áit oibre.

Is príomhghné í cumarsáid éifeachtach d'eagraíochtaí rathúla agus sa snáithe seo, déanann an scoláire iniúchadh ar mhodhanna éagsúla cumarsáide agus aithníonn sé bacainní féideartha cumarsáide. D'fhéadfadh easpa cumarsáide éifeachtaí cur le coimhlint san áit oibre agus bíonn an deis ag an scoláire machnamh a dhéanamh ar na cúiseanna le coimhlint, le linn dóibh a bheith ag déanamh iniúchadh ar an gcaoi is fearr chun aghaidh a thabhairt ar choimhlint dá sórt.

Sa saol dinimiciúil gnó, tá sé riachtanach do na heagraíochtaí a bheith in ann athrú a bhainistiú agus a bheith in ann pleanáil do chúinsí nach raibh súil leo. Sa snáithe seo, foghlaimíonn an scoláire faoin tábhacht le pleanáil le haghaidh athrú in eagraíocht, le linn dó a bheith ag forbairt tuisceana ar na fáthanna atá mar bhonn faoi chur in aghaidh athraithe. Déantar iniúchadh ar an tábhacht le pleanáil teagmhais freisin, agus aithneoidh an scoláire an gá le pleanáil tionscadail agus bainistíocht géarchéime éifeachtach.

Trí pháirt a ghlacadh san fhoghlaim seo, forbróidhan scoláire réimse scileanna amhail anailís, pleanáil agus meastóireacht agus gheobhaidh sé léirthuiscint ar an bpríomhról atá ag

bainisteoirí agus ceannairí éifeachtacha i saol dinimiciúil an ghnó. Beidh feasacht mhéadaithe ag an scoláire ar shaincheisteanna eiticiúla agus cultúrtha, ar an suntas a bhaineann le teicneolaíocht dhigiteach agus nuálaíocht agus beidh tuiscint níos fearr aige ar an áit oibre agus ar chleachtais oibre sa 21ú haois.

Snáithe 3 Torthaí foghlama

Foghlaimíonn an scoláire faoi	Ba cheart go mbeadh sé ar chumas an scoláire
<p>1. Eagraíocht a stiúradh agus a bhainistiú</p> <ul style="list-style-type: none"> • an suntas a bhaineann le cultúr eagraíochtúil agus cur chuige nuálach a chur i bhfeidhm laistigh d'eagraíochtaí. • na cúiseanna le haighneas cultúrtha (lena n-áirítear stíleanna ceannaireachta, leagan amach na háite oibre, teanga, cleachtais sheanbhunaithe, leibhéil foirmeáltachta agus oiread na héagsúlachta san áit oibre) agus na hiarmhairtí d'aighneas cultúrtha don eagraíocht. • na fáthanna a bhféadfadh coimhlint teacht chun cinn san áit oibre agus an chaoi a n-imríonn sí tionchar ar an áit oibre, cuir chuige éagsúla maidir le coimhlint a réiteach, réiteach agus eadráin mar chuir chuige sheachtracha maidir le coimhlint a réiteach. • an suntas a bhaineann le meastacháin eiticiúla agus chultúrtha agus le teicneolaíocht in eagraíocht do na ceannairí agus do na bainisteoirí. 	<ul style="list-style-type: none"> a. anailísiú a dhéanamh ar an suntas a bhaineann le cultúr agus nuálaíocht eagraíochtúil in eagraíochtaí rathúla. b. na príomhrudaí a chothaíonn cultúr eagraíochtúil agus nuálaíocht eagraíochtúil a shainaithint. c. breac-chuntas a thabhairt ar na cúiseanna le haighneas cultúrtha san áit oibre, chomh maith leis an tionchar atá ag aighneas cultúrtha ar an eagraíocht agus ar na fostaithe. d. léirthuisicint a fháil ar an réimse cúiseanna le coimhlint san áit oibre agus tuiscint a léiriú ar an gcaoi a bhféadfadh coimhlint tionchar a imirt ar an áit oibre. e. anailísiú a dhéanamh ar an gcaoi a bhféadfadh fostaithe agus fostóirí aghaidh a thabhairt ar choimhlint go himmheánach. f. breac-chuntas a thabhairt ar roinnt cur chuige éagsúil maidir le réiteach coimhlinte. g. an chaoi ar féidir le meastacháin eiticiúla agus chultúrtha tionchar a imirt ar bhainistíocht agus ar cheannaireacht in eagraíocht. h. an chaoi ar imir an cur isteach digiteach tionchar ar bhainistíocht agus ar cheannaireacht in eagraíochtaí a shainaithint.
<p>2. A bheith i gceannas agus daoine a bhainistiú</p>	

Foghlaimíonn an scoláire faoi

- an réimse gnéithe a imríonn tionchar ar fhórsa saothair a phleanáil in eagraíocht, na príomhchéimeanna in earcaíocht lena n-áirítear aitheantas, cur i bhfeidhm agus roghnúchán, suntas na heitice agus na bhforbairtí digiteacha san earcaíocht.
- an tábhacht le breithmheas san áit oibre agus an chaoi a bhféadfadh eagraíochtaí cuir chuige éagsúla a úsáid maidir le breithmheas lena n-áirítear féinmheasúnú, breithmheas múnlaiteach agus suimitheach agus an cur chuige 360 céim chun athbhreithniú a dhéanamh ar fheidhmíocht na bhfostaithe agus chun fostaithe a spreagadh.
- an suntas a bhaineann le caipiteal daonna* a bhainistiú, ionduchtú, oiliúint agus forbairt ghairmiúil d'eagraíochtaí agus fostaithe agus an chaoi ar féidir le fostaithe foghlaim óna n-eispéiris.
- obair foirne agus an chaoi a n-imríonn comhoibriú tionchar ar an bhfostaí agus ar an eagraíocht, an tionchar bunathraitheach atá ag teicneolaíocht dhigiteach agus béim a leagan ar an gcaoi a bhfuil tionchar ag na bealaí oibre nua lena n-áirítear cianobair agus obair mheasctha ar na

Ba cheart go mbeadh sé ar chumas an scoláire

- a. breac-chuntas a thabhairt ar na rudaí inmheánacha agus seachtracha ag a bhfuil tionchar ar fhórsa saothair a phleanáil.
- b. na príomhchéimeanna sa phróiseas earcaíochta a shainaithint agus moladh a chur ar fáil maidir leis an gcaoi a bhféadfadh eagraíochtaí cuir chuige eiticiúla a chur i bhfeidhm in earcaíocht.
- c. measúnú a dhéanamh ar an gcaoi a raibh tionchar ag na teicneolaíochtaí digiteacha ar phróiseas na hearcaíochta agus an roghnaithe.
- d. iniúchadh a dhéanamh ar na gnéithe ag a bhfuil tionchar ar spreagadh na bhfostaithe.
- e. cur síos a dhéanamh ar a bhfuil i gceist le breithmheas fostaithe.
- f. roinnt cur chuige a shainaithint maidir le breithmheas agus anailísiú a dhéanamh ar an gcaoi a bhféadfadh na cuir chuige seo tionchar a imirt ar spreagadh na bhfostaithe.
- g. an méid atá i gceist le bainistiú caipitil daonna a mhíniú agus breac-chuntas a thabhairt ar an gcaoi ar gné í timpeallacht eagraíochtúil maidir lena fhorbairt.
- h. iniúchadh a dhéanamh ar na cineálacha éagsúla oiliúna agus forbartha gairmiúla a d'fhéadfaí a chur ar fáil d'fhostaithe agus breac-chuntas a thabhairt ar an bhfáth ar gné thábhachtach iad oiliúint leanúnach agus forbairt ghairmiúil de bhainistiú caipitil daonna.
- i. breac-chuntas a thabhairt ar na céimeanna de thimthriall foghlama ó thaithí agus measúnú a dhéanamh ar an gcaoi a bhféadfaí é seo tacú le forbairt ghairmiúil na bhfostaithe.
- j. léirthuisicint a fháil ar na deiseanna agus na dúshláin a bhaineann le bheith ag obair i bhfoirne do na fostaithe agus do na fostóirí.
- k. iniúchadh a dhéanamh ar an gcaoi ar athraigh an teicneolaíocht dhigiteach an áit oibre ó bhonn.

Foghlaimíonn an scoláire faoi	Ba cheart go mbeadh sé ar chumas an scoláire
<p>fostóirí, ar na fostaithe agus ar shaol na hoibre.</p> <ul style="list-style-type: none"> an tábhacht le fócas a choinneáil ar fholláine san áit oibre agus ar phríomhról an ceannaire chun folláine chorparáideach a chothú. 	<ul style="list-style-type: none"> na deiseanna agus na dúshláin a bhaineann le socruithe cianoibre agus oibre measctha do na fostaithe agus do na fostóirí a shainithint. anailísiú a dhéanamh ar na ceistanna eiticiúla agus inbhuanaitheachta a bhaineann le cianobair agus le hobair mheasctha. breac-chuntas a thabhairt ar an tábhacht atá le folláine chorparáideach* agus iniúchadh a dhéanamh ar an tionchar atá ag folláine chorparáideach ar spreagadh na bhfostaithe agus ar an gcultúr eagraíochtúil. Ról na ceannaireachta a shainithint maidir le folláine chorparáideach a chur chun cinn.
<p>3. An tábhacht a bhaineann le cumarsáid</p> <ul style="list-style-type: none"> an suntas a bhaineann le cumarsáid éifeachtach san eagraíocht, na paraiméadair a bhaineann le modhanna éagsúla cumarsáide, tionchar na teicneolaíochta ar chumarsáid agus an chaoi a bhféadfadh bacainní ar chumarsáid teacht chun cinn. 	<ul style="list-style-type: none"> comparáid a dhéanamh idir cumarsáid neamhfhoirmeálta agus cumarsáid fhoirmeálta in eagraíocht. modhanna éagsúla cumarsáide a shainithint agus anailísiú a dhéanamh ar éifeachtúlacht gach cinn mar chur chuige laistigh d'eagraíocht. plé a dhéanamh ar an gcaoi ar imir teicneolaíocht tionchar ar chumarsáid in eagraíochtaí. breac-chuntas a thabhairt ar na bacainní ar chumarsáid a d'fhéadfadh teacht chun cinn in eagraíocht mar aon leis an gcaoi a bhféadfadh eagraíocht na bacainní céanna a laghdú.
<p>4. An réasúnaíocht le haghaidh pleanála</p> <ul style="list-style-type: none"> na hathruithe inmheánacha agus seachtracha ag a bhfuil tionchar ar eagraíocht, an chaoi a bhféadfadh cur in aghaidh athruithe teacht chun cinn agus an chaoi chun nuálaíocht a chothú agus chun aghaidh a thabhairt ar chur in aghaidh athruithe. 	<ul style="list-style-type: none"> breac-chuntas a thabhairt ar na hathruithe inmheánacha agus seachtracha a thagann chun cinn d'eagraíochtaí le linn a saolré. anailísiú a dhéanamh ar na cúiseanna le cur in aghaidh athruithe in eagraíocht. na cleachtais a chuireann nuálaíocht agus smaointeoireacht fhiontraíoch/infhiontraíoch chun cinn a shainithint.

Foghlaimíonn an scoláire faoi	Ba cheart go mbeadh sé ar chumas an scoláire
<ul style="list-style-type: none"> • an suntas a bhaineann le planáil straitéiseach mar phróiseas leanúnach in eagraíocht, an chaoi a dtacaíonn sí le hathrú a stiúradh agus a bhainistiú in eagraíocht agus an chaoi ar féidir anailís réimse fórsa a úsáid chun tacú le cinnteoireacht straitéiseach. • an tábhacht le planáil teagmhais le haghaidh bainistíocht géarchéime éifeachtach a d'fhéadfadh teacht chun cinn go háitiúil nó go náisiúnta, agus an gá le machnamh a dhéanamh ar réimse gnéithe lena n-áirítear costas, am agus riosca agus plan teagmhais á fhorbairt. 	<ul style="list-style-type: none"> d. breac-chuntas a thabhairt ar réimse cur chuige a d'fhéadfadh a bheith ina gcabhair chun cur i gcoinne athruithe a shárú. e. breac-chuntas a thabhairt ar an méid atá i gceist le planáil straitéiseach agus léirithuisint a fháil ar an tábhacht le planáil straitéiseach mar phróiseas leanúnach. f. cur síos a dhéanamh ar an tairbhe a bhaineann le planáil straitéiseach d'eagraíocht. g. breac-chuntas a thabhairt ar an tábhacht le planáil le haghaidh athrú agus plé a dhéanamh ar an gcaoi a bhféadfadh anailís réimse fórsa tacú le planáil straitéiseach a dhéanamh le haghaidh athrú in eagraíocht. h. an méid atá i gceist le planáil teagmhais a mhíniú maidir le bainistíocht géarchéime in eagraíocht. i. plé a dhéanamh ar na gnéithe ba cheart a chur san áireamh agus plan teagmhais á fhorbairt.
<p>5. Mo chuid foghlama a chur i bhfeidhm</p> <ul style="list-style-type: none"> • an chaoi ar féidir a fhoghlaim i nGnó na hArdteistiméireachta a chur i bhfeidhm ina shaol laethúil agus an chaoi ar féidir leis cuidiú leis tuiscint a fháil ar scéalta gnó sna meáin. 	<ul style="list-style-type: none"> a. anailísiú a dhéanamh ar cheannaireacht agus ar scéalta a bhaineann le bainistíocht sna meáin agus tuairim eolasach nó dearcadh eolasach a chur ar fáil.

Snáithe 4: Cinntí Eolasacha a Dhéanamh

Sa snáithe seo forbróidh an scoláire an t-eolas, na scileanna, na luachanna agus na meonta a bhaineann le cinntí eolasacha a dhéanamh go háirithe sna réimsí ag a bhfuil tionchar ar a shaol féin.

Déanfaidh sé machnamh ar a ról agus ar a shaineolas mar chustaiméirí agus beidh sé in ann a chearta agus a fhreagrachtaí a shainaithint atá cumhdaithe sa reachtaíocht chuí agus cuirfidh sé téamaí eitice trasghearrtha agus inbhuanaitheachta i bhfeidhm le linn dó a bheith ag

déanamh machnamh ar a ról mar thomhaltóir. Beidh an deis aige machnamh a dhéanamh ar an gcaoi ar imir teicneolaíocht dhigiteach tionchar ar rogha an tomhaltóra agus beidh tuiscint fheabhsaithe aige ar an gcaoi a n-imríonn an geilleagar tionchar ar iompraíocht tomhaltóirí.

De réir mar a théann an scoláire isteach sa tsraith shinsearach tá siad ag ullmhú don saol i ndiaidh na scoile. Sa snáithe seo, cuirfidh an scoláire le réamheolas, taithí agus foghlaim ón tsraith shóisearach agus forbróidh sé an inniúlacht chun cinntí airgeadais eolasacha agus réasúnacha a dhéanamh agus tuiscint a bheith aige freisin ar an gcaoi a rialaítear an margadh airgeadais agus ar an gcaoi a bhfágann athruithe ar theicneolaíocht dhigiteach go bhféadfadh airgead a bheith in go leor foirmeacha.

Agus an scoláire ag fáil réidh don saol aosach beidh an deis acu freisin foghlaim faoin áit oibre agus a chearta agus a fhreagrachtaí a fháil amach mar fhostaí. Gheobhaidh sé tuiscint freisin ar bhealaí nua oibre agus bainfidh sé úsáid as an dearcadh de théamaí trasghearrtha atá mar chrann taca ag an tsonraíocht do shaol na hoibre.

Trí pháirt a ghlacadh san fhoghlaim seo, forbróidh an scoláire réimse scileanna amhail anailís, pleanáil agus meastóireacht agus gheobhaidh sé léirthuisicint ar an ngá le cinntí eolasacha a dhéanamh mar thomhaltóirí, agus cinntí airgeadais á ndéanamh agus san áit oibre. Beidh feasacht níos fearr ag an scoláire ar chúrsaí eitice agus inbhuanaitheachta, ar an suntas a bhaineann le dul chun cinn i dteicneolaíocht agus beidh sé in ann a fhoghlaim a úsáid chun plé a dhéanamh ar scéalta ábhartha sna meáin.

Snáithe 4 Torthaí foghlama

Foghlaimíonn an scoláire faoi	Ba cheart go mbeadh sé ar chumas an scoláire
<p>1. Cinntí eolasacha a dhéanamh mar thomhaltóir</p> <ul style="list-style-type: none"> • an chaoi a bhfuil cearta agus freagrachtaí ag tomhaltóirí agus an chaoi a gcuireann reachtaíocht cosaintí dleathacha ar leith ar fáil. • na hiarmhairtí eiticiúla agus inbhuanaithe dá iompraíocht mar 	<p>a. cearta agus freagrachtaí na dtomhaltóirí a fháil amach bunaithe ar reachtaíocht ábhartha reatha³ agus anailísiú a dhéanamh ar a shuntas don tomhaltóir agus don ghnólacht.</p> <p>b. an chaoi agus an fáth a bhféadfadh tomhaltóirí dul isteach sa</p>

³ Tá iallach ar an scoláire a bheith ag plé le reachtaíocht reatha lena chinntiú go ndéanfaidh siad iniúchadh ar eolas ábhartha de bharr go mbaineann sé le cleachtas gnó reatha. Sa chás go n-athraíonn reachtaíocht ábhartha le linn an dá bhliain de staidéar, tá sé de rogha ag an scoláire a bheith ag plé leis an seanbheartas nó leis an reachtaíocht nua.

Foghlaimíonn an scoláire faoi	Ba cheart go mbeadh sé ar chumas an scoláire
<p>thomhaltóir agus an chaoi agus an fáth a bhféadfadh tomhaltóir dul isteach sa scáthgheilleagar lena n-áirítear an margadh liath agus an margadh dubh, agus na hiarmhairtí féideartha do thomhaltóirí, gnólachtaí agus an geilleagar.</p> <ul style="list-style-type: none"> • an tionchar atá ag forbairtí digiteacha ar iompraíocht tomhaltóirí lena n-áirítear an chaoi a ndéanann tomhaltóirí cumarsáid, an chaoi a mbaillíonn siad eolas agus táirgí agus seirbhísí custaiméirí lena n-áirítear an chaoi a bhféadfaí tionchar a imirt ar thomhaltóirí. • an chaoi chun a shonraí pearsanta agus airgeadais a chosaint lena n-áirítear an chaoi ar féidir rochtain a fháil orthu chun críocha mailíseacha lena n-áirítear calaois, agus an chaoi chun é féin agus a chuid airgid a chosaint. • ábharthacht na dtáscairí ar leith lena n-áirítear boilsciú, rátaí fostaíochta, agus rátaí úis, fás geilleagrach, ioncam náisiúnta agus fiach náisiúnta maidir leis an tomhaltóir. 	<p>scáthgheilleagar* a mhíniú agus breac-chuntas a thabhairt ar an tionchar féideartha.</p> <ul style="list-style-type: none"> c. plé a dhéanamh ar an gcaoi a bhféadfadh imní eiticiúil agus inbhuanaitheachta eolas a dhéanamh d'iompraíocht tomhaltóirí. d. breac-chuntas a thabhairt ar an gcaoi ar féidir le tomhaltóirí agus eagraíochtaí cur go gníomhach leis an ngeilleagar ciorclach*. e. iniúchadh a dhéanamh ar an gcaoi ar athraigh an teicneolaíocht dhigiteach iompraíocht tomhaltóirí ó bhonn agus plé a dhéanamh ar na buntáistí agus míbhuntáiste a bhaineann leis sin. f. tuiscint a léiriú ar an tábhacht a bhaineann le do shonraí pearsanta a chosaint. g. iniúchadh a dhéanamh ar an gcaoi a gcosnaíonn reachtaíocht sonraí pearsanta. h. breac-chuntas a thabhairt ar réimse gníomhaíochtaí calaoise airgeadais agus plé a dhéanamh ar an gcaoi ar féidir le tomhaltóirí agus gnólachtaí iad féin a chosaint. i. plé a dhéanamh ar an gcaoi a n-imríonn réimse táscairí geilleagracha tionchar ar iompraíocht tomhaltóirí.
<p>2. Cinntí airgeadais eolacha a dhéanamh</p> <ul style="list-style-type: none"> • an tábhacht a bhaineann le cinnteoireacht eolach maidir le sábháil agus infheistíocht, machnamh a dhéanamh ar ghnéithe de sin lena n-áirítear boilsciú, riosca, rátaí úis, cúrsaí cánach agus táillí agus toradh ar infheistíocht. 	<ul style="list-style-type: none"> a. breac-chuntas a thabhairt ar an tábhacht le machnamh a dhéanamh ar chúinsí ar leith agus ar chéim na beatha nuair atáthar ag déanamh cinntí airgeadais. b. iniúchadh a dhéanamh ar réimse roghanna sábhála agus infheistíochta, toradh ar infheistíocht comhlán agus glan a ríomh agus anailísiú agus measúnú a dhéanamh ar a n-oiriúnacht.

- an tábhacht a bhaineann le cinnteoireacht eolach maidir le hiasachtaíocht (lena n-áirítear foinsí airgeadais meántéarmacha agus fadtéarmacha), machnamh a dhéanamh ar ghnéithe lena n-áirítear boilsciú, riosca, rátaí úis agus téarmaí airgeadais.
 - an chaoi chun rochtain a fháil ar eolas airgeadais iontaofa maidir le sábháil, iasachtaíocht agus táirgí airgeadais a bhaineann le hárachas agus an tábhacht le hanailísiú a dhéanamh ar rioscaí féideartha nuair atáthar ag fáil táirgí/seirbhísí airgeadais.
 - na critéir a úsáidtear chun fiúntas creidmheasa agus rátáil chreidmheasa a fháil amach, an méid atá in ann drochrátáil chreidmheasa a chruthú agus an chaoi a leanann rátáil chreidmheasa duine é féin le himeacht aimsire.
 - rialú an mhargaidh táirgí airgeadais de chuid rialtas na hÉireann agus an AE agus an chaoi chun riosca a bhainistiú lena n-áirítear iad sin a bhaineann le pinsin, morgáistí, táirgí bunaithe ar chreidmheas agus criptea-airgeadas.
 - na buntáistí agus na míbhuntáistí a bhaineann le hAirgeadra Digiteach an Bhainc Ceannais (ADBC)* mar rogha eile ar airgead tirim, agus an chaoi a bhfuil sé éagsúil ó chripteamhona cobhsaí agus cripteashócmhainní.
- c. breac-chuntas a thabhairt ar a bhfuil i gceist le hinfheistíocht inbhuanaithe* agus plé a dhéanamh ar an gcaoi ar féidir gnéithe den Rialachais Sóisialta agus Comhshaoil a úsáid chun measúnú a dhéanamh ar tháirgí infheistíochta.
 - d. iniúchadh a dhéanamh ar réimse roghanna le haghaidh iasachtaíochta, aisíocaíochtaí agus rátaí úis a ríomh agus anailísiú agus measúnú a dhéanamh ar a n-oiriúnacht.
 - e. an chaoi ar féidir le custaiméirí foinsí eolais iontaofa faoi airgeadas a shainaithint.
 - f. an méid atá i gceist le caoinfhuilaint riosca a leagan amach ó dhearcadh tomhaltóra agus plé a dhéanamh ar a suntas don tomhaltóir.
 - g. an chaoi a mbunaítear rátáil chreidmheasa duine a leagan amach, na gnéithe ag a bhfuil tionchar ar rátáil chreidmheasa, agus na hiarmhairtí a bhaineann le drochrátáil chreidmheasa.
 - h. an chaoi a rialaítear an tionscal seirbhísí airgeadais a leagan amach.
 - i. iniúchadh a dhéanamh ar an réimse rioscaí atá roimh thomhaltóirí a cheannaíonn táirgí airgeadais agus plé a dhéanamh ar na hiarmhairtí féideartha de thearc-rialachán.
 - j. cur síos a dhéanamh ar Airgeadra Digiteach an Bhainc Ceannais agus scrúdú a dhéanamh ar thionchar féideartha an airgeadra dhigitigh ar thomhaltóirí agus ar ghnólachtaí.

Foghlaimíonn an scoláire faoi	Ba cheart go mbeadh sé ar chumas an scoláire
<p>3. A bheith i d'fhostaí eolach</p> <ul style="list-style-type: none"> • cearta agus freagrachtaí na bhfostaithe agus na bhfostóirí agus feidhmeanna na reachtaíochta agus na gceardchumann maidir leis an áit oibre. • an tionchar atá ag poist féinfhostaithe ar éileamh ina n-íoctar oibrithe 'ina aghaidh an pháisoa'. • cánachas pearsanta lena n-áirítear na scoithphointí ar an ráta caighdeánach cánach, creidmheasanna cánach, liúntais agus faoiseamh agus an chaoi a bhféadfadh gach ceann acu seo athrú bunaithe ar chinntí rialtais. • tionchar na teicneolaíochta ar an áit oibre agus ar an bhfostaí, agus an poitéinseal go bhforbrófaí tuilleadh cleachtais oibre inbhuanaithe. 	<ul style="list-style-type: none"> a. iniúchadh a dhéanamh ar an gcaoi a gcosnaítear fostaithe maidir leis an reachtaíocht agus dá huireasa san áit oibre. b. iniúchadh a dhéanamh ar an gcaoi a leagtar amach cearta agus freagrachtaí na bhfostaithe agus na bhfostóirí i reachtaíocht reatha ábhartha⁴. c. cur síos a dhéanamh ar ról na gceardchumann san áit oibre. d. breac-chuntas a thabhairt ar theacht chun cinn an gheilleagair bunaithe ar phoistíneacht* agus deiseanna agus dúshláin na n-oibrithe a shainaitint. e. tuiscint ar chánachas pearsanta a léiriú agus iniúchadh a dhéanamh ar an gcaoi a bhfuil tionchar ag an mbuiséad rialtais bliantúil ar oibrithe. f. iniúchadh a dhéanamh ar an gcaoi ar athraigh an teicneolaíocht dhigiteach an áit oibre ó bhonn don fhostaí. g. an chaoi ar féidir le fostaithe agus fostóirí oibriú le chéile chun áit oibre níos inbhuanaithe a chruthú.
<p>4. Mo chuid foghlama a chur i bhfeidhm</p> <ul style="list-style-type: none"> • an chaoi ar féidir a fhoghlaim i nGnó na hArdteistiméireachta a chur i bhfeidhm ina shaol laethúil agus an chaoi ar féidir leis cuidiú leis tuiscint a fháil ar scéalta gnó sna meáin. 	<ul style="list-style-type: none"> a. anailísiú a dhéanamh ar airgead pearsanta agus ar scéalta a bhaineann leis an áit oibre sa nuacht agus tuairim nó dearcadh eolasach a chur ar fáil.

⁴ Tá iallach ar an scoláire a bheith ag plé le reachtaíocht reatha lena chinntiú go ndéanfaidh siad iniúchadh ar eolas ábhartha de bharr go mbaineann sé le cleachtas gnó reatha. Sa chás go n-athraíonn reachtaíocht ábhartha le linn an dá bhliain de staidéar, tá sé de rogha ag an scoláire a bheith ag plé leis an seanbheartas nó leis an reachtaíocht nua.

Measúnú

Baineann measúnú sa tsraith shinsearach le faisnéis faoi phróisis agus faoi thorthaí foghlama a bhailiú, a léirmhíniú, a úsáid agus a thuairisciú. Tá foirmeacha éagsúla measúnaithe ann agus úsáidtear é ar chúiseanna difriúla. Baintear úsáid as measúnú chun an tslí chuí a aimsiú don scoláire trí churaclam éagsúil, chun sainréimsí láidreachta nó deacrachta scoláire áirithe a shainaithint agus chun gnóthachtáil a thástáil agus a theistiú. Is tacaíocht don fhoghlaim é an measúnú agus cuireann sé chun feabhais í trí chabhrú leis an scoláire agus leis an múinteoir na chéad chéimeanna eile sa phróiseas teagaisc agus foghlama a shainaithint.

Chomh maith le straitéisí éagsúla teagaisc, tacóidh straitéisí éagsúla measúnaithe le foghlaim an scoláire agus soláthróidh siad faisnéis don mhúinteoir agus don scoláire atá inúsáidte mar aiseolas, sa chaoi is gur féidir gníomhaíochtaí teagaisc agus foghlama a chur in oiriúint do riachtanais an fhoghlaim aonair. De thoradh tascanna atá cuí agus mealltach a leagan síos, ceistanna a chur agus aiseolas a thabhairt a chuireann neamhspleáchas an fhoghlaim chun cinn, tacóidh an measúnú leis an bhfoghlaim agus leis an dul chun cinn, chomh maith le tacaíocht a thabhairt d'fhorbairt phríomhinniúlachtaí an scoláire agus coimriú a thabhairt ar an ngnóthachtáil.

Measúnú don teistiúchán

Tá an measúnú le haghaidh teistiúcháin bunaithe ar an réasúnaíocht, ar chuspóirí agus ar thorthaí foghlama na sonraíochta seo. Tá dhá chomhpháirt mheasúnaithe: scrúdú scríofa agus Comhpháirt Mheasúnaithe Bhreise(AAC) ina bhfuil Staidéar Imscrúdaitheach, Gnó Beo. Beidh an scrúdú scríofa ar ghnáthleibhéal agus ar ardleibhéal. Bunófar Staidéar Imscrúdaitheach, Gnó Beo ar threoir chomónta. Is é Coimisiún na Scrúduithe Stáit (CSS) a dhéanfaidh gach comhpháirt a leagan amach agus a scrúdú.

I ndáil leis an scrúdú scríofa, déanfar Gnó na hArdteistiméireachta a mheasúnú ar dhá leibhéal – Ardleibhéal agus Gnáthleibhéal mar atá leagtha amach i dTábla 1 ar leathanach 12. Éileoidh na ceistanna scrúdaithe go léireoidh an scoláire foghlaim atá cuí do gach leibhéal. Beidh idirdhealú le sonrú sa mheasúnú freisin tríd an ábhar spreagthach a úsáidtear, agus trí mhéid na tacaíochta struchtúrtha a thugtar don scoláire atá i mbun scrúdaithe ag gach leibhéal.

Comhpháirt mheasúnaithe	Ualú	Leibhéal
Staidéar Imscrúdaitheach, Gnó Beo.	40%	Treoir Chomónta

Scrúdú scríofa	60%	Scrúdpháipéir ardleibhéal agus ghnáthleibhéal
----------------	-----	---

Tábla 2: Achoimre ar an measúnú i gcomhair teistiúcháin

Comhpháirt mheasúnaithe bhreise: Staidéar Imscrúdaitheach, Gnó Beo

Cuirtear deis ar fáil don scoláire sa Chomhpháirt Mheasúnaithe Bhreise (AAC) i nGnó na hArdteistiméireachta a fhoghlaim a léiriú ar fud an chúrsa, agus an fhoghlaim atá leagtha amach sa snáithe aontach a chur i bhfeidhm i gcomhthéacs ceann nó níos mó de na snáitheanna comhthéacsúla agus/nó de na téamaí trasghearrtha. Cuimsítear leis, scoláire ag cur Staidéar Imscrúdaitheach i gcrích le linn an séú bliain agus tógfaidh sé suas le 20 uair lena chríochnú. Beidh ar an scoláire sa Staidéar Imscrúdaitheach a inniúlacht a léiriú chun taighde a dhéanamh, a anailísiú agus a mheasúnú ar shaincheist ar leith, ach úsáid a bhaint as réimse foinsí agus machnamh a dhéanamh ar réimse dearchtaí, le linn dó úsáid a bhaint as a rannpháirtíocht leanúnach i saol an ghnó. Táthar ag súil go gcuirfidh an scoláire dearcadh/dearchtaí, táta(i)l agus/nó moladh/moltaí ar fáil ag deireadh an staidéir. Is é nádúr na treorach a bhainfidh leas as poitéinseal an Staidéir Imscrúdaitheach ionas go mbeidh sé spreagúil agus ábhartha don scoláire agus seans go gcuirfidh sé ar chumas an scoláire iniúchadh a dhéanamh ar ghné den ghnó a bhaineann lena spéiseanna féin nó lena chomhthéacs féin trí dheis a chur ar fáil chun ceist taighde a fhorbairt chun tacú le tuilleadh iniúchadh agus le hiniúchadh níos doimhne. Dearadh an Staidéar Imscrúdaitheach freisin chun deiseanna praiticiúla a thabhairt don scoláire a chuid eolais, scileanna, luachanna agus meonta a chur i bhfeidhm chun machnamh a dhéanamh ar na téamaí trasghearrtha, agus a scileanna bainistíochta a chur i bhfeidhm. Beidh an deis ag an scoláire na príomhinniúlachtaí a d'fhorbair sé a chur i bhfeidhm trína bheith gníomhach i nGnó na hArdteistiméireachta amháil; a bheith cruthaitheach, smaoineamh go criticiúil agus fadhbanna a réiteach, foghlaim agus féinfhoghlaim agus cumarsáid a dhéanamh le linn dóibh a bheith rannpháirteach sa chuid seo. D'fhéadfadh rannpháirtíocht leis an gcuid seo gnéithe a bhfuil suim ag an scoláire iontu de shaol dinimiciúil an ghnó a thabhairt chun solais, tacóidh sé seo leis an scoláire chun ábharthacht an ghnó lena shaol agus leis an tsochaí a fheiceáil, agus d'fhéadfadh sé conairí slite beatha féideartha a thabhairt chun solais.

Díreoidh an Staidéar Imscrúdaitheach ar fhoghlaim an scoláire ar fud shonraíocht Ghnó na hArdteistiméireachta agus beidh sé bunaithe ar threoir a eisíonn an CSS go bliantúil. Mar chuid dá staidéar, déanfaidh an scoláire tuarascáil a chuirfear isteach go digiteach chuig an CSS i bhformáid a shonraíonn an CSS.

Tuairisceoirí cáilíochta don Staidéar Imscrúdaitheach, Gnó Beo

Baineann na tuairisceoirí thíos leis an bhfoghlaim a bhain an scoláire amach sa Staidéar Imscrúdaitheach, Gnó Beo. Go háirithe, éilíonn an fiosrúchán go ndéanfaidh an scoláire an méid seo a leanas:

- a staidéar imscrúdaitheach a phleanáil, a scileanna bainistithe tionscadal a chur i bhfeidhm, agus a léiriú chomh maith lena inniúlacht chun monatóireacht agus measúnú a dhéanamh ar dhul chun cinn.
- iniúchadh a dhéanamh ar ghné de ghnó agus na scileanna a forbraíodh a chur i bhfeidhm, scileanna a d'fhorbair sé trína bheith rannpháirteach leis an Snáithe Aontaitheach chun teacht ar chonclúid eolach/ar chonclúidí eolacha, ar mholadh eolach/ar mholtaí eolacha agus/nó ar dhearcadh eolach/ar dhearcthaí eolacha
- an téama/na téamaí trasghearrtha ábhartha a chur i bhfeidhm laistigh de Shonraíocht Ghnó na hArdteistiméireachta ina Staidéar Imscrúdaitheach, agus an staidéar a cheangal le saol an ghnó.
- a thorthaí a chur in iúl.

Tá na tuairisceoirí cáilíochta don Staidéar Imscrúdaitheach, Gnó Beo leagtha amach i dTábla 3.

	An scoláire a léiríonn leibhéal ard gnóthachtála	An scoláire a léiríonn leibhéal measartha gnóthachtála	An scoláire a léiríonn leibhéal íseal gnóthachtála
Pleanáil	<p>-rannpháirtíocht éifeachtach a léiriú le pleanáil ar fud a staidéir agus machnamh soiléir agus measúnú a dhéanamh ar a oiread agus a chuir an phleanáil ar tugadh fúithi le cur i gcrích éifeachtach an staidéir.</p> <p>-ceist taighde shoiléir agus tóraíochta a fhorbairt atá bunaithe ar ábharthacht nó ar thábhacht an ghnó go háitiúil, go náisiúnta agus/nó go hidirnáisiúnta.</p>	<p>-rannpháirtíocht a léiriú le pleanáil ar fud a staidéir agus machnamh a dhéanamh ar a oiread agus a chuir an phleanáil ar tugadh fúithi le cur i gcrích an staidéir.</p> <p>-ceist taighde shoiléir a fhorbairt atá bunaithe ar ábharthacht nó ar thábhacht an ghnó go háitiúil, go náisiúnta agus/nó go hidirnáisiúnta.</p>	<p>-rannpháirtíocht teoranta a léiriú le pleanáil ar fud a staidéir agus machnaimh teoranta a chur i láthair ar a oiread agus a chuir an phleanáil ar tugadh fúithi le cur i gcrích an staidéir.</p> <p>- ceist taighde de shaghas éigin a fhorbairt.</p>
Iniúchadh	<p>-luach féideartha réimse leathan foinsí cuí a shainnithint agus a mheasúnú, foinsí a bhaineann leis an gceist taighde a cruthaíodh bunaithe ar an treoir.</p> <p>- anailís dhomhain agus meastóireacht sonraí agus eolais a chruthú ó réimse foinsí iontaofa, ag cosaint rogha na bhfoinsí.</p> <p>--conclúidí atá cosanta ag anailís agus measúnú na sonraí agus an eolais a chur i láthair, sonraí a bhaineann leis an gceist taighde a forbraíodh.</p>	<p>-luach féideartha réimse foinsí cuí a shainnithint agus a mheasúnú, foinsí a bhaineann leis an gceist taighde a cruthaíodh bunaithe ar an treoir.</p> <p>- anailís agus measúnú a dhéanamh ar shonraí agus eolais a chruthú ó réimse foinsí iontaofa, ag cosaint rogha na bhfoinsí.</p> <p>- conclúidí a bhaineann leis an gceist taighde a forbraíodh a chur i láthair.</p>	<p>-réimse teoranta foinsí a shainnithint a bhaineann leis an gceist taighde a cruthaíodh bunaithe ar an treoir.</p> <p>- anailís teoranta agus meastóireacht sonraí agus eolais a chur i láthair ó réimse foinsí.</p> <p>- conclúidí teoranta a léiríonn go rabhthas páirteach san ábhar a chur i láthair.</p>

	An scoláire a léiríonn leibhéal ard gnóthachtála	An scoláire a léiríonn leibhéal measartha gnóthachtála	An scoláire a léiríonn leibhéal íseal gnóthachtála
Iniúchadh (ar lean)	- srianta sa staidéar imscrúdaitheach a shainaitheint go soiléir ar fud dhearadh na ceiste taighde, ar fud an taighde a bailíodh agus/nó ar fud na hanailíse a rinneadh.	- roinnt srianta sa staidéar a shainaitheint.	-gan srianta ar bith a shainaitheint sa staidéar.
Cuir i bhfeidhm	-inniúlacht a léiriú chun machnamh a dhéanamh ar an gcaoi a mbaineann na torthaí le saol an ghnó agus le scéalta gnó sna meáin nuair is cuí, agus ar an gcaoi a raibh tionchar ag an staidéar imscrúdaitheach ar a dhearcthaí. -torthaí an imscrúdaithe a cheangal go soiléir agus go cuí leis an téama/na téamaí trasghearrtha laistigh den tsonraíocht.	-inniúlacht de shaghas éigin a léiriú chun machnamh a dhéanamh ar an gcaoi a mbaineann na torthaí le saol an ghnó agus le scéalta gnó sna meáin nuair is cuí, agus ar an gcaoi a raibh tionchar ag an staidéar imscrúdaitheach ar a dhearcthaí. -torthaí an imscrúdaithe a cheangal leis na téamaí trasghearrtha laistigh den tsonraíocht.	-inniúlacht theoranta a léiriú chun machnamh a dhéanamh ar an gcaoi a mbaineann na torthaí le saol an ghnó agus le scéalta gnó sna meáin nuair is cuí, agus ar an gcaoi a raibh tionchar ag an staidéar imscrúdaitheach ar a dhearcthaí. -naisc theoranta a dhéanamh idir torthaí an imscrúdaithe agus na téamaí trasghearrtha laistigh den tsonraíocht.
Cumarsáid	-sonraí, eolas agus anailís shoiléir agus chúil a chur i láthair trí úsáid a bhaint as réimse grafaicí ábhartha nuair is cuí. -úsáid a bhaint as teanga shoiléir agus leanúnach ar fud na tuarascála mar aon le tagairtí agus machnaimh thacúla chúil atá aitheanta go soiléir sa staidéar.	-sonraí, eolas agus anailís shásúil a chur i láthair; agus úsáid á baint as grafaicí ábhartha nuair is cuí. -úsáid a bhaint as teanga atá réasúnta soiléir agus leanúnach ar fud na tuarascála mar aon le roinnt tagairtí agus machnamh tacúil atá aitheanta sa taighde.	-sonraí, eolas agus anailís theoranta a chur i láthair, gan mórán nó gan aon úsáid as grafaicí. -tuarascáil a chur i láthair ina léiríonn an teanga a úsáidtear, léirchruinneas agus leanúnachas teoranta mar aon le tagairtí agus machnaimh theoranta.

Tábla 3: Tuairisceoirí Cáilíochta: Staidéar Imscrúdaitheach, Gnó Beo

Scrúdú scríofa

Beidh raon cineálacha ceisteanna sa scrúdú scríofa. Tá príomhscileanna na sraithe sinsearaí (Fíor 2) fite fuaite i dtorthaí foghlama na sonraíochta seo agus déanfar iad a mheasúnú i gcomhthéacs na dtorthaí foghlama. Cuimseofar rogha ceisteanna leis an scrúdpháipéar ina ndéanfar an méid seo a leanas a mheasúnú ag an leibhéal cuí:

- an fhoghlaim a ndearnadh cur síos uirthi sa cheithre shnáithe chomhthéacsúla den tsonraíocht agus sa snáithe aontach
- cur i bhfeidhm na dtéamaí trasghearrtha, de chúrsaí eitice agus inbhuanaitheachta, litearthacht ghnó agus airgeadais, smaointeoireacht fhiontraíoch, agus claochlú digiteach
- inniúlacht an scoláire le bheith rannpháirteach i saol an ghnó agus i saol an ghnó sna meáin.

Oiriúntais réasúnta

Éilíonn an tsonraíocht seo d'Ghnó na hArdteistiméireachta go rachaidh an scoláire i ngleic le nádúr an ábhair ar bhonn leanúnach i rith an chúrsa. Lena chois sin, tá comhpháirt bhreise ina gné den mheasúnú, dá mbronntar 40% d'iomlán na marcanna. Chuige sin, dearadh *scéim na nOiriúntas Réasúnta*, arna feidhmiú ag Coimisiún na Scrúduithe Stáit (CSS), chun cabhrú le hiarrthóirí san Ardteistiméireacht a bhfuil deacrachtaí fisiciúla/leighis/céadfacha agus/nó deacrachtaí foghlama ar leith acu.

Deartar oiriúntais réasúnta chun tionchar míchumais ar fheidhmíocht scoláire a bhaint oiread agus is féidir, ionas gur féidir leis nó léi a leibhéal gnóthachtála a thaispeáint i scrúdú – ní dheartar iad chun cúiteamh a dhéanamh ar easpa gnóthachtála a eascraíonn as míchumas.

Grádú na hArdteistiméireachta

Déanfar Gnó na hArdteistiméireachta a ghrádú le scála grádúcháin 8 bpointe. Is é Grád 1 an grád is airde; is é Grád 8 an grád is ísle. Tá marcanna céatadán idir 100% agus 30% i gceist leis na seacht ngrád is airde (1-7). Tá na gráid roinnte ina raonta cothroma atá 10% ar leithead. Bronntar Grád 8 as marcanna céatadán níos lú ná 30%. Déantar idirdhealú idir gráid an Ardleibhéil agus gráid an Ghnáthleibhéil trí A nó G a chur roimh an ngrád faoi seach. Dá bhrí sin, tá A1–A8 i gceist ag an Ardleibhéal agus tá G1–G8 i gceist leis an nGnáthleibhéal.

Grád	Marcanna %
A1/G1	90 - 100
A2/G2	80 < 90
A3/G3	70 < 80
A4/G4	60 < 70
A5/G5	50 < 60
A6/G6	40 < 50
A7/G7	30 < 40
A8/G8	< 30

Tábla 4: Grádú na hArdteistiméireachta

Aguisín 1: Gluais de bhriathra gnímh

Cuireadh an ghluais seo i dtoll a chéile chun na torthaí foghlama a shoiléiriú. Déantar cur síos ar gach briathar gnímh i dtéarmaí na rudaí ba cheart a bheith ar chumas an scoláire ach an toradh foghlama a bhaint amach. Déanfar an ghluais seo a ailíniú leis na focail ordaitheacha a úsáidtear sa mheasúnú.

Briathar gnímh	Ba cheart go mbeadh sé ar chumas an scoláire
Aithint (foinsí)	foinsí eolais a aithint go saineúil
Anailísigh	staidéar nó scrúdú a dhéanamh ar rud go mion, rud a mhiondealú chun na bunghnéithe nó an bunstruchtúr a nochtadh; codanna agus coibhneasa a shainaithint, agus fianaise a léirmhíniú chun teacht ar chonclúidí
Cuir i bhfeidhm	faisnéis agus/nó eolas agus tuiscint a roghnú agus a úsáid chun cás tugtha nó fíorchúinsí a mhíniú
Tabhair breithmheas	píosa saothair nó téacs a mheasúnú, a bhreith nó a mheas
Cuir luach ar	brí a aithint, tuiscint phraiticiúil a bheith aige do rud
Meas	nádúr, cumas, cáilíocht nó luach ruda a mheasúnú nó breithiúnas a thabhairt ina thaobh
Ríomh	teacht ar fhreagra uimhriúil, ag taispeáint na gcéimeanna cuí san oibriú amach
Cuir in iúl	rud a chur i láthair trí úsáid a bhaint as teanga chuí i bhformáid oiriúnach
Déan comparáid	cuntas a thabhairt ar na cosúlachtaí agus (nó) difríochtaí idir dhá rud nó cás (nó níos mó), ag tagairt don dá cheann acu (dóibh uile) síos tríd
Déan	tabhair faoi ghníomhaíocht
Cuir le chéile	eolas a fhorbairt i bhfoirm léaráide nó loighce; ní dhéantar é trí fhírí a thabhairt chun cuimhne ach trí chosúlachtaí nó trí fhaisnéis a úsáid agus a nascadh
Taispeáin	rud a chruthú nó a dhéanamh soiléir trí réasúnaíocht nó le fianaise, rud a léiriú le samplaí nó le cur i bhfeidhm praiticiúil
Cuir síos	pictiúr nó íomhá mhionsonraithe a fhorbairt ar struchtúr nó ar phróiseas, mar shampla, ag úsáid focal nó léaráidí mar is cuí
Faigh amach	an méid a dhéanann rud tábhachtach a aithint nó a oibriú amach
Forbair	éabhlóidiú; rud a dhéanamh soiléir nó a leathnú amach ó thaobh sonraí de
Pléigh	athbhreithniú tomhaiste cothrom a thabhairt a chuimsíonn réimse argóintí, tosca, nó hipitéisí: ba cheart tuairimí nó conclúidí a chur i láthair go soiléir agus tacú leo le fianaise chuí
Idirdhealaigh	na difríochtaí idir dhá choincheap nó dhá rud nó níos mó a

	dhéanamh soiléir
Téigh i ngleic le	próiseas, straitéis, plan nó gnás a dhéanamh go gníomhach agus go dílis
Measúnaigh (sonraí)	sonraí a bhailiú agus a scrúdú chun breithiúnais agus breithmheas a dhéanamh; cur síos a dhéanamh ar an gcaoi a dtacaíonn nó nach dtacaíonn fianaise le conclúid i bhfiosrúchán nó in iniúchadh; srianta sonraí i gconclúidí a shainaithint; breithiúnais a dhéanamh faoi smaointe, faoi réitigh nó faoi mhodhanna
Measúnaigh (breithiúnas eiticíúil)	fianaise a bhailiú agus a scrúdú chun breithiúnais agus breithmheas a dhéanamh; cur síos a dhéanamh ar an gcaoi a dtacaíonn nó nach dtacaíonn fianaise le breithiúnas; srianta fianaise i gconclúidí a shainaithint; breithiúnais a dhéanamh faoi na smaointe, faoi réitigh nó faoi mhodhanna
Scrúdaigh	argóint nó coincheap a mheas ar bhealach a nochtann toimhdí agus caidrimh na saincheiste
Mínigh	mionchuntas a thabhairt lena n-áirítear fáthanna nó cúiseanna
Fiosraigh	breathnú nó staidéar a dhéanamh, d'fhonn fíricí a chinntiú
Sainaithin	patrúin, fíricí nó sonraí a aithint; freagra a sholáthar ó roinnt féidearthachtaí; fíoras nó gné shainiúil a aithint agus a lua go hachomair
Léirmhíneadh	eolas agus tuiscint a úsáid chun treochothaí a aithint agus teacht ar chonclúidí ó fhaisnéis a thugtar
Iniúch	breathnú, staidéar, nó mionscrúdú córasach a dhéanamh, chun fíricí a chinntiú agus teacht ar chonclúidí nua
Cosain	cúiseanna bailí nó fianaise bhailí a thabhairt chun tacú le freagra nó le conclúid
Eagraigh	rud a shocrú; a chórasú nó modh a dhéanamh de
Tabhair breac-chuntas	na príomhphointí a thabhairt; na nithe ríthábhachtacha amháin
Taifead	rudáí a dhoiciméadú i scríbhinn nó go digiteach ar mhaithe le fianaise a chaomhnú
Tabhair le fios	réiteach/réitigh, hipitéis nó freagra(i) féideartha eile a mholadh
Sintéisigh	smaointe éagsúla a chur le chéile chun tuiscint nua nó tuiscint fheabhsaithe a chruthú
Úsáid	eolas nó rialacha a chur i bhfeidhm chun teoiric a chur i ngníomh

Aguisín 2: Gluais Téarmaí

Tá sé i gceist go soiléireoidh an ghluais seo coincheapa agus téarmaí a úsáideadh sa tsonraíocht seo.

Coincheap/Téarma	Tuiscint
Samhail ghnó	Is gné í an tsamhail ghnó laistigh den phlean gnó ina leagtar amach an chaoi a bhfeidhmeoidh, a gcruthóidh, a seachadfaidh agus a bhfaighidh gnólacht luach i gcomhthéacsanna eacnamaíochta, sóisialta agus cultúrtha.
Canbhás samhla gnó	Is uirlis é canbhás samhla gnó a úsáidtear chun samhail ghnó a mhapáil agus cuimsítear leis príomhpháirtithe, gníomhaíochtaí agus acmhainní, togra luacha (an fáth a roghnódh an custaiméir an táirge/an tseirbhís), custaiméirí, caidrimh le custaiméirí agus cainéil custaiméirí, costais agus ioncam reatha.
Geilleagar ciorclach	Samhail táirgeachta agus tomhaltais a chuireann le saolré na dtáirgí, a laghdaíonn dramhaíl agus a chruthaíonn tuilleadh luacha.
Folláine chorparáideach	Fócas eagraíochtúil ar chothromas, éagsúlacht, ionchuimsitheacht agus ar fholláine iomlán an fhórsa oibre chun áit oibre éagsúil, ionchuimsitheach agus shláintiúil a chothú.
Smaointeoireacht dearaidh	Cur chuige nuálach, neamhlíneach maidir le forbairt na dtáirgí agus na seirbhísí a dhíríonn ar réitigh don úsáideoir deiridh.
Airgeadra Digiteach an Bhainc Ceannais (ADBC)	Is foirm airgid é ADBC don saol digiteach. Tugann sé an rogha do thomhaltóirí úsáid a bhaint as airgead an bhainc ceannais i bhformáid dhigiteach, ag teacht le nótaí bainc agus boinn. Tá airgeadra digiteach éagsúil ó chripteamhona cobhsaí ina mbraitheann seasmhacht agus iontaofacht ar an aonán eisithe agus ar inchreidteacht agus ar in-fhorfheidhmitheacht a ghealltanais chun luach an airgid a choinneáil le himeacht aimsire. Níl aon aonán inaitheanta atá faoi dhliteanas le haghaidh cripteashócmhainní.
Tionchar bunathraitheach	Is minic a úsáidtear an téarma tionchar bunathraitheach chun cur síos a dhéanamh ar an gcaoi ar féidir le teicneolaíocht an chaoi a bhfeidhmíonn gnólachtaí a athrú (lena n-áirítear laistigh den áit oibre) agus an chaoi a n-idirghníomhaíonn tomhaltóirí le gnó.
Gnéithe comhshaoil, sóisialta agus rialachais (ESG)	Seasann ESG do <i>environmental, social and governance</i> (comhshaoil, sóisialta agus rialachais) agus Cruthaíonn na gnéithe seo na colúin i gcreataí ESG agus d'fhéadfadh go mbeadh iallach ar ghnólachtaí i roinnt cásanna a

	bhfeidhmíocht agus a ndul chun cinn a thuairisciú faoi na colúin seo.
Anailís réimse fórsa	Is cur chuige í anailís réimse fórsa a úsáidtear chun na fórsaí is cúis le hathrú agus na fórsaí a chuireann bac ar athrú.
Geilleagar poistíneachta	Is ionann an geilleagar poistíneachta agus an chuid de mhargadh an lucht saothair a bhraitheann ar phoist shealadacha, ar oibrithe páirtaimseartha nó ar shaoroibrithe.
Domhandú	An t-idirspleáchas agus an idircheangailteacht atá ag méadú idir geilleagair, cultúir agus pobail an domhain a thagann ó thrádáil trasteorann earraí, seirbhísí, teicneolaíocht dhigiteach agus gluaiseacht infheistíochta, daoine, sonraí agus eolais.
Caipiteal daonna	Na hinniúlachtaí atá ag daoine, infheistithe iontu agus forbartha chun cuidiú leo a bheith níos táirgiúla agus a bpoitéinseal a bhaint amach.
Idirspleáchas	Tagann idirspleáchas chun cinn nuair a thosaíonn grúpa amháin ag brath ar cheann eile ar mhaithe leis na hearraí agus seirbhísí cuí a sholáthar.
Trádáil Idirnáisiúnta	Gluaiseacht agus malartú earraí nó seirbhísí idir dhá dhlínse nó trasna teorainneacha. Agus muid ag déanamh machnamh ar thrádáil idirnáisiúnta tá sé tábhachtach cuimhneamh ar phoitéinseal na trádála ar oileán na hÉireann idir Poblacht na hÉireann agus Tuaisceart Éireann.
Idirnáisiúnú	Táirge, seirbhís nó oibríocht a dheardh nó a oiriúnú le haghaidh iontráil/fás i margaí idirnáisiúnta.
Comhchruinniú	A chinntiú go bhfuil gnólacht, a tháirgí nó a sheirbhísí agus a straitéisí margaíochta ábhartha inrochtana agus feiliúnach do mhargadh nua.
Beartas náisiúnta	Is ionann beartas náisiúnta agus beartas rialtas na hÉireann lena gcuimsítear gníomhaíochtaí nó ráitis treoraíochta a chuireann an rialtas i bhfeidhm agus a úsáideann an rialtas mar bhonn le haghaidh cinnteoireachta.
Samhail cúig fhórsa Porter	Cuimsítear le samhail Porter cúig fhórsa a thacaíonn le tuiscint níos doimhne ar na fórsaí iomaíocha laistigh de ghnólacht a spreagann an chaoi a roinntear luach eacnamaíochta i measc na bpáirtithe leasmhara. Cuimsítear leis na cúig fhórsa le samhail Porter, bagairt na n-iontrálaithe nua, cumhacht mhargála na soláthraithe, cumhacht mhargála na gcustaiméirí, bagairt na dtáirgí ionaid agus coimhlínt iomaíoch.
Greille chumhachta-spéise	Is foirm de mhapáil páirtithe leasmhara í greille cumhachta-spéise ina gcuirtear san áireamh ábhair spreagtha na bpáirtithe leasmhara agus a gcumas chun tionchar a imirt

	(bíodh sé dearfach nó diúltach) ar an gcaoi seo mapáiltear iad de réir a gcumhachta agus a spéise coibhneasta.
Earnáil de ghníomhaíocht eacnamaíochta	Na hearnálacha gníomhaíochta eacnamaíochta éagsúla a dhéanann táirgeoirí/soláthraithe seirbhíse a chatagóiriú bunaithe ar na hearraí nó seirbhísí a chuireann siad ar fáil. Foilsíonn an Phríomh-Oifig Staidrimh (CSO) liosta earnálacha i ngeilleagar na hÉireann.
Scáthgheilleagar	Idirbheartaíochtaí gnó agus eacnamaíochta a mheastar atá dlíthiúil i ndlínse de bharr go bhfuil na hearraí nó seirbhísí atá á dtrádáil nó á mbabhtáil neamhdhleathach nó de bharr nach bhfuil an idirbheartaíocht í féin ar aon dul le reachtaíocht nó riachtanais tuairiscithe.
Foinsí eolais	Is féidir le foinsí eolais a bheith ina mbunfhoinsí nó ina bhfoinsí tánaisteacha. Cuimsítear bundoiciméid le bunfhoinsí ina bhfuil eolas bunfhoinse agus d'fhéadfadh go gcuimseofaí leo sin agallaimh agus suirbhéanna, agus is minic a léirmhíniú foinsí tánaisteacha eolas ó bhunfhoinse.
Mapáil páirtithe leasmhara	Cuimsítear machnamh a dhéanamh ar an príomhpháirtithe leasmhara agus ar a gcumhacht agus a dtionchar le mapáil páirtithe leasmhara, agus a bheith ag foghlaim faoin réimse páirtithe leasmhara agus ar an ngá le cuimhneamh ar réimse dearcthaí. Is féidir le mapáil páirtithe leasmhara a bheith scríofa nó físiúil agus ba cheart go gcuimseofaí léi páirtithe leasmhara éagsúla, a n-idirspéachais agus idirchaidrimh, agus machnamh ar a gcumhacht agus ar a dtionchar ar chinnteoireacht.
anailís STEEPLE	Is féidir anailís STEEPLE a úsáid chun measúnú a dhéanamh ar thionchar na ngnéithe seachtracha ar ghnólacht. Cuimsítear léi machnamh ar ghnéithe sóisialta, teicneolaíochta, eacnamaíochta, comhshaoil, polaitíochta, dlíthiúla agus eiticiúla.
Infheistíocht inbhuanaithe	Cur chuige maidir le cinnteoireacht infheistíochta a chomhardaíonn tuairisceán airgeadais agus gnéithe Comhshaoil, Sóisialta agus Rialachais.

